

儀

禮

彙

說

儀禮彙說卷九

金山焦以恕越江著

國學李繼輝編校輯錄

孫學強以册鏡函校字

公食大夫之禮義疏云聘記曰大夫來使無辨饗之過則
餼之傳曰使者以主君弗親饗食所以媿厲之也故此禮
為因聘而食也

上介出請八告賈云大夫就賓館之門外賓使上介出請
所為來事

三辭賈云聘日已致饗故今辭食但受饗之時禮辭而已
至饗食皆當三辭

賓朝服卽位飾敖云拜命之時賓固朝服矣于此乃著之者明其與聘服異亦因事而見之如聘謂賓入于次乃卽位而主君之摯者亦三人也賓卽位亦于西方東面介立于其東南北面西上

甸人陳鼎七節敖云陳鼎于廟門少北而東西則當門陳鼎當門南面君禮也西上明爲賓也

設洗如饗鄭云必如饗者先饗後食如其近者也饗禮亡燕禮則洗設于阼階東南

小臣具祭惟節義疏夏官小臣職大祭祀朝覲沃盥此諸侯之小臣故主沃盥也

凡宰夫之具節放云此所饌者謂豆簋篚鉶也義疏云按自羹定至此七事皆所謂具也以自外而內爲序鼎具于門外當門洗具于阼階東南槃匱具于東堂下筵具于堂酒漿及饌具于房七者皆備是之謂具而後公乃迎賓也公如賓服節義疏既具而公乃迎賓者亦節也如賓服亦朝服也以戒賓而賓來故不必出請事而卽納之也

賓入門左節義疏聘禮於公迎賓再拜之節賓辟不答拜者以公爲聘君而拜已不敢派其禮也此則爲食已而拜故既辟還復再拜稽首

及廟門公揖入節義疏云聘禮君與賓至廟門君先揖入

者以聘禮殿故君先入以俟之也食禮則殺矣故賓從君而八

大夫立于東夾南節放云大夫兼上下者而言也下大夫西面辟楨者及士位而在此耳東夾南卽東堂南舍玷而取節于夾明其去堂遠也

小臣東堂下節放云小臣者小臣正小臣師與其從者也宰東夾北節愚按此經有宰有內官之士有宰夫又有司官小臣之屬據鄭氏于此曰宰夫之屬于下宰右執鉶以大羹滂授公曰宰謂大宰宰夫之長也又按鄭于下經內官之士曰內宰之屬也於是有指此宰爲內宰者竊謂宰

夫所掌之事至多而諸侯無大宰以司徒兼大宰大宰之下有宰夫則尊而為宰次而宰夫及宰夫之屬莫不成在鄭氏之說為當矣內宰乃贊夫人之官此食禮殺于饗夫人不親則內宰固無事至也

內官之士節放云內官之士內小臣之屬也愚按小臣司官此禮未有無事者皆從宰夫而贊助也

賓兩階東節愚按拜也謂賓不從其命而拜也擯者位在下辭者辭其拜于下也公降一等辭擯者又釋辭以止之而賓之再拜已訖終不從命也因君于臣乃行拜至之禮則優崇已過矣故答之亦與常禮殊也

命之成拜節敖云拜下者臣也拜于上者賓也既升而命之成拜所以賓之賈云賓遂主君之意故升更拜

士舉鼎去匱節敖云去匱亦右人也西南之南衍文順出謂以次而出也順出正禮也其或逆出由便耳左人待載蓋各立于鼎之東南面奠于鼎西之奠後篇皆作委宜從今文爲委古文待爲持愚按經云右人抽扃奠于鼎西又云南順出自鼎西自鄭已後皆然也至敖氏始以順出爲句而謂上文西南之南爲衍文又按敖云朝位君南面故陳鼎于外內皆順之則仍依經文南順二字連爲義也竊謂經文果誤乃不得已而闕之經文無悞則仍舊貫而解

之蓋其慎也動出新意實所未安耳又左人待載謂待其事也作持者恐未然矣。

大夫長盥節敖云當盥者七人皆違其位而立于洗之東南國君設洗當東雷於東夾南爲少東洗之東南則又東矣前者其立處之西也于洗南爲少東交于前不言相右可知也郝氏曰北上序進謂在北立者先盥盥卒仍退立皆盥畢復序進賈云鄉飲射賓盥北面此大夫盥亦北面可知。

魚腊飪賈云上云羹定恐魚腊不在其中故此特著魚腊任也。

載體進奏陳氏祥道曰腊之骨如牲體殞其之腊進柢未
異于生也少牢之腊進下異于生也其載之也上肩其舉
之也以肩昏禮腊一純體不升喪禮腊體亦不升少牢祝
俎髀屬于尻少牢不賓尸腊辨無髀則腊之賤髀亦與牲
同矣

魚七縮俎寢右義疏云乾魚載俎有縮無橫有司徹言橫
載之據人橫執俎而言魚之在俎猶縮也至縮執俎以羞
則進首變于正發也其他禮魚皆縮于俎而俎橫設之所
以生人則右首寢右而進羞鬼神則左首寢左而進腍也
若濡魚則橫載少儀曰羞濡魚者進尾冬右腍夏右脊則

不論生人與鬼神蓋皆然與

腸胃七同俎賈云鄭謂此俎實二十八者牛羊異俎此腸胃同俎牛羊各有腸胃腸胃各七四七二十八也李如圭曰君子不食罔腴罔謂犬豕也取牛羊腴而已。

倫膚七鄭云倫理也謂精理滑脆者故云倫膚者雍人所倫之膚也倫猶擇也陳祥道曰士虞禮注曰膚腸革肉蓋豕肉之美者不過腸革肉故禮于膚皆謂之倫膚

腸胃膚飾鄭云順其在牲之性也腸胃垂及俎拒賈云腸胃在牲而垂愚按鄭賈之說融會其義則亦自可從。

大夫既七節義疏云七鼎西上則最西之鼎大夫長所七

也其進也大夫長在前比其舉也七膚鼎者先退是謂逆退。

宰夫自東房投節敖云宰夫投亦指投也下放此公設之示親饋也辭者辭公親設也辭時蓋東而于公之西東遷所東遷于其所也所者謂將之正位也公設之處于其正位爲少西必少西者爲賓當遷之故也遷之者示不敢當公親設之意且以爲禮也下皆放此。

公立于序內節敖云序內西鄉主位也階西西階上之西也公與賓各俟于此與鄉飲酒主人立于階東之意同公不立于阼階東者公尊也。

宰夫自東房薦節菹云六豆爲二列內列自西而東外列自東而西惟云西上者外列統于內列也郝敬云簠處最北而六豆當醬之東別爲二列西上者起西北終西南鹿藿北接韭菹也。

士設俎于豆南節郝敬曰俎七設于六豆南南北二列始西北牛俎牛俎東羊俎羊俎東豕俎北一列也又西南魚俎當牛俎之南魚俎東腊腊東腸胃北與豕對此南一列也二三并六惟膚俎在東獨設無并曰特

宰夫設黍稷節菹云東北上惟指黍之當牛俎者言也錯以終者黍西稷稷南黍黍東稷稷南黍黍西稷也上列之

黍當牛俎則次列之稷當魚俎而後列南于魚俎之西也
一簋當一俎則其位之疏數可知矣。

大奠清不和節李如圭曰清升自阼階者公親設之故也
賈云宰位在東夾北今以蓋降出送于門外乃更入門反
于東夾北位鄭云宰謂大宰宰夫之長也愚按大宰之職
詳于前經。

宰夫設鉶四節義疏云四鉶者亦殺于上大夫二而與歸
養之上介禮同也設鉶之法又與設簋異者簋惟二物則
可錯鉶三物不可錯若六鉶則緝之此四鉶故但以牛始
以牛終然牛羊豕順數而益一牛則亦緝意也。

贊者負東房節。敖云負東房負其牖也。士喪禮曰祝負牖南面。然則此其上贊之正位與。鄭之南面者欲得鄉公與賓。

賓升席坐取韭菹節。敖云此所搗者醢醢而下五豆。惟云醢者省文耳。少牢饋食用四豆。尸取韭菹搗于三豆。是其徵也。

贊者東面節。賈云此所授皆遠賓者。故菹醢及劔不授。賈云辨謂辨取于三簋。先黍後稷。不欲其雜也。每取黍稷皆以右手而實于左手。既則反于右手也。亦壹以授賓不言壹者文已明也。

三牲之肺不離節。敖云言不離者見其爲切肺且明無舉肺也。食而舉肺脊者其肺則離之。云壹者見其不再也。必著之者嫌每肺當別投之也。上言與投此言與受文互見耳。

祝手扱上劍以相節。賈云言上劍之間著其異于餘者餘祭于上豆之間。義疏云辨搗之者謂以上劍之菜搗于餘劍之汁所以示辨也。特牲之二劍皆豕故惟曰祭劍而已。少牢則羊豕異故曰祭羊劍。遂以祭豕劍此則又有牛劍故辨搗以祭。

祭飲酒節。敖云魚膾屬于牲。醬屬于豆。清屬于劍。故此雖

設之亦不祭祭其大則畧其細也不言腸胃膚者在魚腊下不祭可知。

宰夫授公飯梁節郝敬曰梁穀之大卽今高粱炊以爲飯義疏前公設醬設醢惟曰賓饌不言北面至此乃見之。

宰夫膳稻于梁西賈云上設黍稷訖云卻會此稻梁不云卻會者先于房去之也鄭云膳猶進也。

士羞庶羞皆有大節鄭云大以肥美者特爲饗所以祭也魚或謂之膾膾大也唯醢醬無大郝敬曰庶羞之有大饗如脯之有橫臑也。

先者反之賈云反之者以庶羞十六豆羞人不足故先至

者反取之下文云先者一人升設于稻南其人不反則此云先者反之謂第二以爲先者也愚按此條明而當矣先者一人節賈云稻與庶羞俱是加故南北相繼不與正豆併下文賓左擁篲梁右執桴以降又云升反奠于其所是賓當從間往來其明微也

旁四列西北上鄭云不統于正饌者雖加自是一禮是所謂羹臠中別賈云曲禮云左設右載設骨體也爲正饌載爲切肉則庶羞與此正饌在東庶羞在西間容人同

腳以東臠臠節賈云此云先設醢紼之以次而特牲註云以有醢不得紼也與此先設醢紼之以次違者大凡醢配

載是其正而醢卑于載今牛羊豕載皆在醢下者直是綍
之次非尊卑之列特牲以一有醢若綍之當醢在載上不
成錯故不得綍少半四豆半載醢故得綍而錯與此同也
衆人騰羞者節義疏云按正饌之列其在東之東者以西
爲上豆與俎是也其在東之西者以東爲上篋與劍是也
加饌之列其在西之北者以東爲上梁與稻是也其在西
之南者以西爲上庶羞是也一陳饌之間亦必相變如此
贊者負東房告餽節義疏云坐席末以其近于稻梁取之
便也取梁卽稻則右手先取稻左手取梁以并之公所親
設者三醬滫不祭所祭者梁耳祭公所設之梁于公所設

之醬滫之間不敢槩于豆祭亦所以見尊公所設之意也
贊者北面坐節敖云一壹同贊者壹以投賓賓兼壹祭之
禮之節當然也賓於黍稷牲肺皆壹祭之特于此登之耳
祭不言其所亦於醬滫間可知

賓北面自間坐節郝氏曰梁加饌滫正饌兼取之也

降辭公公許節義疏云辭公欲公卽安于他所而不降已
食也燕禮公有席此禮無降席故辭公而後食貝云按爾
雅有東西箱曰廟其夾皆在外愚按賓取梁滫以降者將
欲食于階下故也公辭而不許則栗階升者將食于堂之
尊處矣然親臨已食乃贊者待食之事故降而辭公欲公

卽安于他所而公遂許之也。

賓坐遂卷加席節義疏云大射儀賓有加席不辭者以公亦有加席也此無阼席故賓卷之蓋委于席端矣。

庭實設賓坐祭節敖云此與下文行禮之節亦畧與聘禮醴賓者同祭漿亦于醬酒間。

公受宰夫束帛節義疏云賓既飲則贊者以告而公出自箱矣於是宰夫授公束帛而公受之蓋飲者食畢之事賓而飲將有告退之心矣故以是爲侑幣之節。

介逆出賓北面揖節敖云北面揖之者象親愛之也凡庭實並受公降立亦立于中庭郝敬云介逆出先賓出也介

何胤禮記 卷九
在門西北面西上。近門者先出。故曰逆也。上介受賓幣。受于門外也。從者訝受皮。謂君有司執皮送于門外。賓從者迎受之也。

公辭揖讓如初。升饋。教云辭辭其拜于庭也。時公在中庭。與賓三揖。則是與聘禮者同矣。云如初亦大畧之言也。賓再拜稽首。獻賓拜。賜于庭南。公辭之。故成拜于此。

賓卒食。會飯節。賈云上文宰夫坐啓簋。會各卻于其西。此云會飯。故知會飯是黍稷。前賓三飯不言會。以盤盛稻粟無會故也。教云羶者三飯。乃飲。此凡三飲。蓋九飯也。九飯大夫禮也。義疏古人飯以手。每食一口。謂之一飯。則會食

飯者直取諸俎可也。敖氏謂減簋飯于會而食之者非也。但他時或但食黍，此則每飯皆兼黍稷食之，而二者初設時皆有會，故云會飯耳。

祝手與北面坐節，敖云公于正饌先設醬於加饌先設梁，故賓親徹此二者。階西赫者所欲食之處也。劉敞云賓必親徹有報之道也。

東面再拜稽首，敖云卒食而拜賜也。亦拜于階西不於階東，又不北面，皆變于初明其將遂退矣。義疏云此時賓以將出而降，君從之降，則君在東方而西面矣。故賓獨東面拜，下文云公降是也。

有司卷三牲之俎節鄭云歸俎者實於簠他時有所釋故
 賈云此禮無所俎士虞禮亦無所俎尸舉牲體皆盛于簠
 吉鹵雖不同無所俎是一攸如同用簠特性士虞取俎歸
 于尸釋三个是有所釋此無所釋故稱卷也敖云卷者明
 盡以其俎與其實歸之此牲體皆在俎則食時不舉之明
 矣愚按鄭賈實於簠者無所遺之詞也敖即以其俎歸之
 亦無所遺之詞也二說蓋大同小異云

上大夫八豆節敖云豆加菲菹棗醯益加黍稷各一銅加
 羊豕俎加鮮魚鮮獸于府之下如饗九鼎之次云九俎則
 四四為列而特鮮獸又按鄭云豆加葵菹蠃醢四四為列

加鮮魚鮮腊三三爲列無特二家之說未能遽定宜並存之

庶羞西東節義疏云四列謂如臠臠炙四豆爲列也如過此或六或八則東逼筵而西亦不當席矣言此者謂東西有定而南可加也

上大夫庶羞二十節敖云東西毋過四列則雉兔四者爲一列于南也義疏雉兔鶉鴛之次當曰魚膾南雉以東兔

豆實實于彝節鄭云南北相當以食饌同列耳饗北陳者變于食饗致如豆賈云以菹醢異物不可同饗八豆則八

饗六豆則六饗也朱子云兩楹間不必與楹相宜謂堂東西之中耳敖云豆實在菹簋實在篚又皆陳于楹間皆變于食也南北異陳示不相統也

庶羞陳于碑內賈云不陳于碑南者以其本合在堂今宜近堂故于碑北敖云庶羞者醢四并魚膾與芥醬也不陳于上以牲在下宜從之庶羞主于牲肉也上大夫又加以雉兔鴉鴛此豆實也亦實于饗義疏云按聘禮之歸饗陪鼎卽庶羞也此不陳鼎故別見庶羞彼當俾南陳此陳于碑內者以碑南當陳庭實故也

賓朝服以受節賈云主君在廟行

食禮有節幣賓無節法故致食禮亦不合有儀

大夫相食節義疏聘禮賓既賈則請有事于大夫謂問卿也賓問之則大夫食之宜也故聘記曰大夫于賓一饗一食上介若食若饗則是大聘之賓介小聘之賓大夫皆有食之饗之之禮

迎賓于門外節義疏云迎賓不著所服亦朝服也門外大門外也其既入而至于階亦當大夫升一等而賓從之大夫相饗拜至如鄉飲射拜至之禮經言如饗拜者皆之上經言設洗如饗之意皆如其近者也

賓執梁與酒節敖云亦爲主人立于堂故不敢食于席也其尊敵故但辟之於堂上而已梁不擗亦降于君云反之

明不對也

辭幣降一等節敖云辭幣而降一等爲恭也亦畧放公食之禮而爲之主人從亦降一等也從者辭其降且不許其辭

受佈幣再拜節敖云著之者主人非君嫌不必稽首却敬云受公佈幣再拜稽首公送幣再拜不稽首此再拜稽首主賓同也

卒食徹于西序端義疏云婦者執梁與滫之西序端故此亦徹于西序端徹亦徹其梁醬

東面再拜降出義疏此拜東面者亦放公食禮將出辭公

之拜法而行之。但彼階下而此階上耳。敖云主人亦于階上西面答再拜。

其他皆如公食節賈云其他謂豆數俎體陳設皆不異上陳。但禮異者謂親戒。與君則不親迎。賓公不出。此大夫出大門。公受醬。滂幣不降。此大夫則降。公食大夫。大夫降食于階下。此言西序。端公食卷加席。公不辭。此則辭之。皆是異也。

賓受于堂無償賈云聘禮賓受致饗幣堂中西北面。注云堂中西中央之西。此雖無償受幣亦與之同。

記不宿戒節。敖云宿戒者先期日而戒之也。此禮當日乃

戒故云不宿戒

司官具几節賈云大宰之下有官人掌官中除汗穢之事
卽此司官彼不言設几席者天子具官別有司几筵諸侯
兼官故司官兼司几筵也

賓之乘車節敖云唯云賓之乘車在此則上介以下之車
不然矣車北面立者俟賓之出宜鄉之云立明其不說駕
義疏經直言賓卽位于大門外不言乘車所止處故記人
明之

贊者盥從俎升敖云贊者所有事于賓者賓俎庶羞之祭
也而俎先二者而設故從之以升義疏必盥者爲當取所

祭之物以授賓也

凡炙無醬敖云凡凡三牲也庶羞於三牲之炙皆爲設醢
唯魚膾乃用芥醬是凡炙無醬矣不言載者如炙可知

上大夫蒲筵節賈云注言三命大夫者欲見公侯伯之卿
三命亦與子男下大夫同

卿損由下節義疏贊以下大夫雖食上大夫猶然蓋贊必
降于損一等等也

上大夫庶羞酒飲節鄭云於食庶羞宰夫又設酒漿以之
食庶羞可也以優賓

拜食與侑幣節義疏此記蓋爲不親食之拜賜者而發故

次于篇末親食拜賜之皆再拜稽首經文已明至不親食之拜賜經惟曰拜賜于朝而已記者嫌于其禮之或有殺于親食也故特言此以明之

儀禮彙說卷九終

儀禮彙說卷十

金山焦以起越江著

門人潘雲萃端雯輯錄
後學錢樹本根堂校字

覲禮第十敖曰此篇主言同姓大國之君入覲于王之禮。初無四時之別與周官秋見曰覲之意異。義疏云此篇覲禮而篇內亦云朝是朝覲可通言也。此經自篇首至饗禮乃歸覲于廟中者也。自諸侯覲于天子以下覲于國外者也。王巡守而一方之諸侯方覲則覲于方岳者也。至于郊賈云聘禮賓至于近郊君使卿勞故知此亦近郊知去王城五十里者成周與王城相去五十里。

儀禮集說 卷之十
王使人皮弁節敖云勞而用璧以爲信天子于諸侯之禮也璧無束帛別于享禮且爲其當還之也凡以玉行禮而當還者例不用帛賈云掌合職曰爲帷官設旌門者謂爲帷官則設旌旂以表四門彼天子所舍平地之事鄭引之者証諸侯行亦有帷官設旌爲門之事也

使者不答拜節敖云侯氏既拜亦揖而先入門右使者乃執玉也言遂者明卽于此執之也使者既入門左侯氏乃與之三揖云使者不讓則侯氏不先讓可知侯氏不讓者以使者尊當先升而不敢讓之也其降拜于階間北面升就使者北面訝受之

使者左還而立節敖云左還東面以俟之也侯氏就使者
還璧使者於是復南面受之降拜爲送玉也亦於階間北
面還璧者明其以爲信也

侯氏乃止使者節敖云有司既布席侯氏乃出止使者且
迎而欲償之使者亦禮辭許侯氏揖先入使者乃入也既
入不言三揖者如上禮可知饋升侯氏與使者三讓而先
升使事既畢則行賓至禮也償而用几尊王使也授几設
几之儀見於士昏禮聘禮及少牢下篇賈云几不可設于
地明有序聘禮受聘云几筵既設是几筵相將

侯氏用束帛節敖云使者受償不稽首同爲王臣故不因

其受璧之禮也其授受之節蓋於壇中亦北面授。

使者降以左驂出節賈云陳四馬與人以西爲上聘禮禮賓時賓執左馬以出此亦然也敖云使者亦左執幣乃北面右執左驂以出也

天子賜舍賈云聘禮賓至于朝君使卿致館此不言致館言賜舍者天子尊極也

曰伯父節賈云此及下經皆云伯父者謂同姓大國也舉同姓大國則同姓小國及異姓之國禮不殊也

侯氏再拜稽首敖云不若其所是于舍門外也使者東南致命侯氏西面聽命既則北面拜

傾之束帛乘馬鄭云王使人以命致館無禮猶傾之者尊王使也。放云凡傾使者必于受命之處則此傾之亦當在舍門外。愚按是說拘甚宜義疏列之存疑也。

天子使大夫戒節義疏云侯氏已在舍應有出門再拜迎入之儀使者升堂東面致命。侯氏東階西面聽之既乃降兩階之間北面再拜稽首。

諸侯前朝節李心傳云受舍于朝所謂外朝也。義疏云受舍之舍與賜舍之舍別。賜舍之舍館舍也有屋宇蓋司宮之屬掌之。受舍之舍次舍也以帷幕天官之屬掌之。

侯氏禘冕釋幣節鄭云釋幣者告將覲也。如聘大夫將受

命釋幣于禰之禮既則祝藏其幣歸乃埋之。敖云其禮則
庭几于其館堂戶牖之間南面祝升自西階君升自阼階
祝奠幣于几下君北面祝在左君及祝再拜興祝曰孝嗣
俟某將覲天子敢用嘉幣告于皇考某侯又再拜君就東
箱祝就西箱有間君反立祝乃取幣藏之君反于阼乃降
而遂出也歸則埋幣于禰廟西階之東

乘墨車節馬端臨曰圭鎮寶也諸侯以朝見天子執之以
爲信不過于當事之時暫捧之而卽奠之不常執也

天子衮冕節賈云負斧依謂背之南面也敖云衮冕天子
之神冕也負斧依以俟侯氏八所謂不下堂而見諸侯也

晉夫承命節鄭云齋夫爲末擯承命于侯氏下介傳而上
上擯以告天子天子見公擯者五人見侯伯擯者四人見
子男擯者三人皆宗伯爲上擯賈云四時常朝則小行人
爲承擯故小行人職云將幣爲承而擯此文齋夫爲末擯
若子男三擯則足矣若侯伯四擯上公五擯則別增人矣
若時會殷同則肆師爲承擯故肆師職云大朝覲佐擯
侯氏入門右節賈云士昏禮三月壻見奠贊士相見凡臣
見於君奠贊再拜與此奠圭皆是舉者不敢授而奠之
侯氏坐取圭節敖云拜于西階東別于內臣也侯氏旣成
拜宰乃受玉以東是時至于侯氏之拜皆不答所以見至

尊之義也。義疏云：注云坐取圭而遂左者，賓禮也。以楨者，謂而天子辭之故也。

四享皆束帛節，鄭云四當爲三。古書作三四或皆積畫此篇又多四字，字相似，由此誤也。賈云如堯典帝曰咨三岳，皐陶云外薄三海，泰誓序云作泰誓三篇，是古書三四皆積畫。按大行人五等諸侯，皆同三享。聘禮小聘不享，大聘雖有享不言數，明一享而已。若然則三與一及不享是禮之差，無取于四之義。惟帛致之，搯享天子而言。若享后卽用琮，錦又賈曰行覲禮，芝相隨卽行三享之事。三享在庭，分爲三段，一度致之，非謂三度致之爲皆也。義疏云下文

但言侯氏以馬出而不及他物是祗爲一享也然則三享
益當三度致之。

奉束帛匹馬卓上節敖云匹馬卓上謂以一馬卓然居前
而先行言此者明其入不與九馬相屬也奠幣蓋于入門
左之位。

擯者曰節敖云此擯者曰乃言予一人則是擯者凡告于
侯氏皆爲述王言矣亦異于國君以下擯者之禮與。

侯氏升致命節賈云幣卽束帛加璧并玉言幣故小行人
合六幣皮馬與玉皆爲幣宰卽大宰大宰職大朝覲會同
贊玉幣注云佐玉受此也三享貢國所有行供奉之節故

自執其馬王不使人受之于庭也勝禮享用皮反賓私饋皆使人受之者他國之君不臣人之臣與此異也

乃右肉袒節敖云肉袒示恐懼也袒右變于禮事也爲之于廟門之東亦變位入而復右已事更端也告聽事者告損者以已於此聽事也事胡已所以得罪于天子之事大戴記曰肉袒入門而右以聽事也

損者謂諸天子節敖云天子辭于侯氏者天子以命損者損者以告侯氏也凡損者於侯氏之行臣禮如奠圭之類皆以謁諸王其告于侯氏也則皆傳王命也云伯父無事辭其聽也云歸寧乃邦安之之詞實未使之歸也

出自屏南節敖云出自屏南乃通門西則侯氏之出入天子之門亦必由闕東矣賈云體緯云天子外屏諸侯內屏陳祥道云荀子天子外屏不欲見外也體臺門而旅樹旅道也當道而設屏此外門之屏也天文屏四星近右執法天子賜侯氏節義疏云侯氏迎再拜此時諸公亦不答拜如郊勢然又按注疏攝春官司服之文差之則侯伯以鷩子男以雉皆不得衮服然韓奕詩云王錫韓侯玄衮赤舄采菽詩云又何子之玄衮及黼又似凡諸侯皆可得此賜者豈鷩冕雉冕之服可通名爲衮歟抑由天子所賜有不必拘者歟

諸公奉篋服節敖云奉篋服者一人耳乃云諸公者若師若傳若保不定也置服于篋故謂之篋服命書若文侯之命之類是也先設庭實乃奉其所以將命者亦至尊之禮異也此不言揖讓之禮如勞可知鄭云右讀如周公右王之右是右者始隨入於升東面乃居其右

侯氏降兩階之間節敖云是時候氏升降自阼階故拜于兩階之間不於階東者拜至尊之命則異于常禮也使者不辭之者以其同爲王臣且尊之也春秋傳宰孔止齊侯毋下拜以王命辭之也

使者出侯氏送節鄭云既云拜送乃言饋使者以勞有成

禮畧而遂言賈云其實偵使者在拜送前于偵後畧言者以偵有成禮可依也義疏云此偵諸公大史二人大史下大夫與諸公尊卑異而偵如之者使事既同偵禮不應殊別也

同姓大國節呂大臨曰父與舅以姓同異而別也伯與叔以位尊卑而別也謂之父與舅尊之親之之詞也賈云西禮東西二伯同姓稱伯父異姓稱伯舅州牧同姓稱叔父異姓稱叔舅與此少異

饗禮乃歸賈云直言饗見王無故親饗之若有故則以醢幣致之食燕之禮王有故以幣致之王無故亦親食燕也

義疏侯氏既覲而歸則告于祖禰社稷山川飲至合爵奠
勳焉禮也

諸侯覲于天子節放云爲宮者築宮牆也王十二歲若不
巡守則四方諸侯皆來朝於是爲壇壝宮於國門外之南
方而受之此所謂大朝覲也司儀職曰將合諸侯則令爲
壇三成宮旁一門詔王儀南鄉見諸侯正謂此也方明云
者其制方而每面又各以色爲其神明之象因以名之加
此于壇爲將祀之也掌合職曰爲壇壝宮設棘門義疏云
爲宮而四門畧放明堂之制必四門者以其四方有當禮
之神故設四門以通之也雖有四門而諸侯行覲則但入

自南門而卽位于壇之南耳與明堂位之法異也

方明者木也節敖云設六色以象天地四方之色也設六玉爲祀時以此禮之上不以璧而以圭下不以琮而以璧亦與周官異也所以然者以四方之玉無所象故于天地之玉亦不必象之也用圭璧者圭璧尊也大宗伯職以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方玄璜禮北方謂方明之玉也

上介皆奉節贊云置旂于宮前期一日可也公侯就旂據臨時也此旂與在軍徽幟同皆以尺易勿小而爲之敖云

旂尚左而公侯伯子男皆就其旂而立則是五等之位自西而東皆北面與朝事儀所言諸侯之位異也射人職言正朝之位云諸侯在朝則皆北面朝士職言外朝之位云右九棘公侯伯子男位焉然則五等諸侯同在朝唯為一列亦可見矣諸侯既入立于位王乃于壇上三柁之士揖庶姓時旂異姓天柁同姓

四傳攷鄭云王既揖五者設楨升諸侯以會同之禮其與瑞玉及享幣公拜于上等侯伯于中等子男于下等楨者每延之升堂致命王受玉撫玉降拜于下等及請事勞皆如覲禮賈云三等拜楨皆司儀職文按前經鄭注引司儀

職曰爲壇三成成猶重也三重者自下差之爲三等而上有堂焉上方二丈四尺上等中等下等每面十二尺敖云王既揖於是諸侯皆升與瑞玉公于上等侯伯于中等子男子于下等既則皆拜于下擯者總延之曰升乃各升成拜于奠玉之處降山三享奠玉幣亦如之傳擯者傳其擯詞使之升拜也一朝三享凡四此于享亦升之異于特覲者以其衆也愚按鄭云四傳擯者每一位畢擯者以告乃東陳列而升其次公也侯也伯也各一位子男俠門而俱東上亦一位也玉庭乃設擯則諸侯初入門王官之伯帥之耳竊意天子見公擯者五人見侯伯擯者四人見子男擯

者三人今見五等諸侯于壇則較之于朝地少狹而人倍稠故酌三者之損敬而總之以損者四人謂之四傳損耳若敖氏一朝三享之說似乎太繁或未然也

天子乘龍節賈云司常職日月爲常交龍爲旂則旂與常別此旣象日月則是大常而云大旂者九旂各有定稱亦有通名故大常亦謂之大旂敖云載大旂者以拜日及祀方明也巾車職曰玉路樊纓十有再就建大常十有二旂以祀此載大常則乘玉路矣東門卽此宮之東門也拜日于東鄉其所出之處也於官門外者由便爾記方明者祀上下四方之神也上下四方之神唯壹祀之者因朝爲之

故其屬簡大宗伯職曰皆有牲幣各放其器之色謂祀方明之禮也

禮日子南門外敷云門亦謂宮門禮謂祀之也不言祀者以異于正祭也此三禮者皆與上事相屬而舉之天子巡守有懷柔百神望秩山川之禮此諸侯以天子不巡守之故而來覲故天子于此亦畧修祀事以放巡守之禮云

鄭注上節云此謂會同以春者也于此節云此謂會同以夏秋冬者也又云盟神必云日月山川焉者尚著明也義疏皆不依用云

祭天燔柴節賈云上論天子在國行會同之禮於郊拜禮

日月山川之神今據天子巡守于四岳各隨方向祭之故云蓋因上文遂并言正祭之法以明所謂禮者異于此也愚按此經本紀親禮親有二一王不巡守則親于王畿王巡守則親于方岳賈氏之說當矣敖謂并言正祭之法以見此禮之異則不已贅乎或者燔瘞升沉畧仿其意而行之亦以見祀方明之不可苟耳義疏云天子乘玉路較大旂以出則諸侯亦各乘其路從之以備駕在王門之外則可乘也天子拜且諸侯亦從拜可知然則燔禮乃歸此時諸侯止未旋歸也祀方明之日羣侯于此親禮焉燔瘞升沉禮雖簡而不可誤施故記于此也

記几俟于東箱敖云經言設斧依于戶牖之間左右几此云几俟于東箱其指未設几之前而言與

偏駕不入王門義疏云此言平日所受賜之路在外則可乘之觀則不得乘之以入也

奠圭于纁上敖云明奠時開纁而見玉也經云乃朝以瑞玉有纁義疏云此謂初執圭時斂纁繫俎以入至入門右坐奠時乃開纁而奠于其上也

儀禮彙說卷十終

儀禮彙說卷十一

金山焦以恕越江著

甥 沈鈞德耐菴輯錄

後學李 銜尺鎮校字

喪服首章。敖氏曰：先儒以傳爲子夏所作，未必然也。漢藝文志言禮經之記，顏師古以爲七十子。後學者所記是也。此傳不特釋經，亦釋記。則是作傳者又在作記者之後明矣。愚按：經後之記，所以補經文之不見者，蓋並時而作，無先後也。傳之作，後於經，經爲周公孔子所定，則傳出七十子之手，固宜有之。而敖氏以爲又在作記者之後，則臆說未足憑矣。

敖氏又曰傳之始必自爲一編而置於記後蓋不相雜也
愚按周易十翼春秋左傳皆不與經文相雜而後世儒者
移而置之經文之間則儀禮之傳亦同斯例可知也敖氏
謂康成爲之者未知果否也

喪服節賢氏曰貌以表心服以表貌故閒傳云斬衰貌若
其齊衰貌若臬大功貌若止小功總麻容貌可也孔氏類
達曰直者黯也學者微會其義則得矣

按大傳云服術有六一曰親親二曰尊尊三曰名四曰出
入五曰長幼六曰從服喪服小記云親親長長男女之有
別人道之大者也此則制服之義也

案士喪禮云。苴經大搗。要經小焉。又云。婦人之帶。牡麻結。本注云。婦人亦有首經。但言帶者。記其異。此齊衰婦人。斬衰婦人。亦有苴經。以此而言。則婦人喪服。亦備二經。與紼帶也。

紼帶。鄭氏云。齊衰以下用布。明此斬衰亦苴麻也。按鄭氏以紼帶承上用苴麻。敖氏則曰。齊衰以下用冠布。則此紼帶其用牡麻與。義疏云。以疏衰布帶。及帶緣各視其冠。推之。則紼帶不必與要經同爲苴麻。似較鄭爲密也。去五分一。以爲帶。經大帶小。見輕重也。問傳云。男子重。其婦人重。帶經帶大小之義。主於男子也。

朱子語類問經帶之制曰首經大一指只是拇指與第二指一圍要經較小絞帶又小於要經

義疏曰總麻之經三寸六百二十五分寸之四百二十九
總麻之帶二寸三千一百二十五分寸之二千九百六十
六愚按此卽賈疏總麻之經與其帶亦皆以五分破寸計
之者也

賈氏曰爲母杖桐者桐之言同同之於父也又引變除謂
削之使方取母象於地然方之則不可以如經之圍計矣
殆不然歟又案喪服小記註謂杖如要經則齊衰之杖僅
五寸二十五分寸之十九愚按杖各齊其心則長短之制

不一杖之圍員或如首經之大或如要經之細亦宜不一理或然歟。

無爵而杖者何擔主也鄭氏曰擔猶假也無爵者假之以杖尊其爲主也賈氏曰適子雖無爵假取有爵之杖爲之喪主故云擔主也愚按擔主之擔猶言負荷也任也以其擔任喪主之事雖無爵亦杖與有爵者同特有假之之義焉耳。

義疏云衆子爲父母卽非喪主亦杖輔病之義達乎庶人童子婦人不杖正也其有杖者則亦擔主之義不能病者不責之以能病也其有幼而不能執杖者若爲主則抱者

執之曾子問世子生三日見於殯祖踊襲衰杖大夫士以下可以類推焉。

絞帶者繩帶賈氏曰經帶至虞後變麻服葛絞帶雖不言所變案公士衆臣爲君服布帶則絞帶於虞後變麻服布於義可也。

朱子云凶服先繫絞帶一頭作環一頭穿之而反扱於要間以象革帶經帶則兩頭皆散垂之以象大帶又敖氏云先備以此絞帶象革帶則其博當二寸齊衰以下之布帶其博宜亦如之玉藻曰革帶博二寸也。

冠繩纓節敖氏條屬右縫皆謂纓也右縫者以纓之上端

縫綴於武之右邊也。必右邊縫者，辟經之纓也。其屬之以
下端向上而結於武之左邊，以固其冠也。齊衰大功布緇
亦如之。唯小功以下，則纓在左而屬於右，卽雜記所云以
別吉凶是也。愚按敖氏之解，右縫前此未有也。若依賈氏
則右縫二字宜在冠六升之下，外畢之上。然舊解右縫爲
從陰者，究宜存之。唯條屬訓兩相交過而綴爲武垂其餘
爲纓者，定不爾也。下乃詳之。

賈氏疏云：大功已上，哀重，其冠三辟，積向右爲之，從陰也。
小功總麻，哀輕，其冠三辟，積向左爲之，從陽也。愚按從來
注家皆依此解，其義精當，終不可廢。義疏禮器圖云：冠之

三辟積其縫皆向右則仍未全用敖說矣

斬衰三年章冠繩纓條屬右縫冠六升外畢愚核檀弓孔子與門人立拱而尚右二三子亦皆尚右孔子曰二三子之嗜學也我則有姊之喪故也二三子皆尚左注言事尚左陽也凶事尚右陰也據此則凶事尚右通例皆同而冠之辟積從右其必然者也至條屬之義經云條則用繩一條而非兩條下垂結於頤下者可知屬者連屬以一條連屬者必自右而屬於左與右縫之制皆從陰也故有縫二字不在冠六升之下者亦所以解條屬之自右而以之結於左也敖氏之解右縫謂專指條屬而不關辟積者微失

之。

敖氏曰言鍛而勿灰者嫌當異於衣也凡五服之布皆不加灰雜記云加灰錫也注錫者滑易之貌則凶服之勿灰可知矣。

義疏案冠六升明乎梁與武皆用此六升之布也曰繩纒明乎纒之爲繩而武非繩也又案冠必有梁有武者無梁則不成冠孔氏類達謂厭冠無梁繩何也蓋吉時以纒輔髮而挽之爲梁髮高故冠亦高喪則去纒而紒紒低故冠亦低而名之曰厭無梁繩者不以纒爲梁非無冠梁也卽輕服不去纒者其紒纒亦低矣曲禮厭冠不入公門注云

厭猶伏也。謂不若百冠之喪。喪耳。

居倚廬。按喪大記。凡非適子者。自未葬。倚於廬者。爲廬法。云不欲人屬目。蓋廬於東南角。若適子。則廬於其北。顯處。以適子當應接弔賓故也。

敖氏云。凡哭有三無時。二有時。始死未殯。已前哭不絕聲。一無時也。既殯已後。阼階下朝夕哭之外。有次中晝夜無時之哭。二無時也。既練之後。無次中朝夕之哭。唯哀至則哭。三無時也。既殯之後。卒哭之前。朝夕哭於阼階下。一有時也。卒哭之後。未練之前。朝夕哭於次中。二有時也。

朝一溢米。義疏云。如鄭注。則日食二升。有奇。疑於太多。然

古量一升當今一合五勺二撮有奇與滿手之盛亦差相彷彿。

既虞節朱子曰翦屏柱楣是兩事柱音知主反似是從手而不從木也始者戶北鄉用草爲屏不翦其餘至是改而西向乃翦其餘草始者無柱與楣著於地壘是乃施楣又施短柱以拄其楣架起其楣令稍高而下可作戶也。

既練舍外寢義疏云疑外寢卽在外東塾其南無壁故壘壘爲壁而開戶焉士喪禮注云斬我倚廡齊衰壘室則齊衰者初喪卽居之斬衰者既練乃居之與。

義疏云既殯哭晝夜無時此數而無時也既練哭無時此

疏而無時也。卽朝夕亦或不哭矣。蓋滅殺之節當然。故君子以子羔之泣血三年爲難也。喪服四制。十三月而練冠。父至尊也。義疏云。案雜記有士服大夫服之異。左傳齊晏桓子卒。晏嬰纒練斬直。經帶杖背。膳食粥。居倚廬。寢苦枕草。其老曰。非大夫之禮也。曰。唯卿爲大夫。據此。則大夫喪服有與士異者矣。然中庸言三年之喪。達乎天子。父母之喪。無貴賤一也。雜記亦云。端衰喪車無等。孟子謂三年之喪。齊疏之服。餠粥之食。自天子達於庶人。三代共之。軍有大夫士之異等者乎。又按檀弓。魯穆公之母卒。使人問於曾申。曾申對曰。哭泣之哀。齊斬之情。餠粥之食。自天子達

然則天子以下其服父母也皆同無大夫士之異可知矣
爲父斬衰節按凡適孫父在不得爲祖斬父亡則爲祖斬
傳曰有適子者無適孫詳見不杖期章爲君之父母妻長
子祖父母下發之

天子至尊也孔氏穎達曰天子之喪諸侯不得越境而奔
脩服於其國卿共甲葬之禮胡氏安國曰諸侯爲天子服
斬衰禮當以所聞先後而奔長康王之誥大保率西方諸
侯入應門左畢公率東方諸侯入應門有此奔成王之喪
者也安得以爲脩服於國而可乎義疏云案二說皆備奔
喪正也而脩服於國者亦宜有之康王之誥之諸侯蓋適

當朝親而在京師若聞喪而奔者近畿或有之稍遠則回不能如是速也。

義疏云案漢文遺詔史記漢書皆云已下服大紅十五日小紅十四日纖七日已下者謂柩已下於塋始服大紅等服則三十六日在既葬之後甚明至魏武如今葬畢便除無所為三十六日之服者後又何代直以三十六日為除服之期而不論葬與否至唐明皇肅宗之喪又降三十六日為二十七日短喪雖自漢文而後代之屢變而愈短如此

君至尊也節朱子曰古者公卿大夫與列國之諸侯各為

天子三年喪列國之卿大夫各爲其君三年喪止是自服其君。

又敖氏曰諸侯及公卿大夫士有臣者皆曰君此爲之服者諸侯則其卿大夫士也公卿大夫士則其貴臣也。

又義疏云案此指現在居官食祿者言之其未委贄及仕焉而已者不在此數以下經庶人爲國君并諸君數條合觀之則臣民之分別而制服輕重之意見矣。

正體於上節雷次宗曰父子一體也而長適獨正故曰正體既爲正體又將傳重兼此二義乃加其服。 譙氏曰不

繼祖與禰謂庶子身不繼禰故其長子爲不繼祖合而言

之也。賈氏曰按鄭注小記云言不繼祖禰則長子不必五世鄭以前馬融等注喪服謂五世之適父乃爲之服斬言繼祖則長子不待五世也此微破馬融義也。義疏云按必繼別子大宗而後爲長子三年則得服此服者僅矣經直云父爲長子不專爲大宗設也庶子不得爲長子三年小記大傳與此傳並同爲長子三年者以其將主祭也庶子身不主祭故不爲長子三年然則身自主祭者皆得爲長子三年可知矣繼祖者然繼禰者亦然傳言繼祖康成謂容祖禰共廟是也小記兼禰言之則備矣諸家五世四世紛紛之論不必泥也。

支子可也。義疏云：按小宗適子不爲大宗後者，以其繼高曾祖禰則主祭者不可闕，而又以收高曾祖禰之子孫也。兼此二義，乃賅。

爲所後者之祖父母妻，節賈氏曰：傳言爲所後者之祖父母妻，并及外親之等，不言期大功小功緦麻之骨肉親者，傳者舉疏以見親，言外以包內，爲骨肉之親，如親子可知也。

又敖氏曰：言妻之昆弟，以見從母言妻之昆弟之子，以見從母昆弟也。此於尊者唯言所後者之祖父母於親者，唯言所後者之妻，蓋各舉其一，以見餘服也。至於其妻之父

母已下。乃備言之者。嫌受重之恩。主於所後者。而或略於其妻黨也。其妻黨之服。且如是。則於所後者之親服。益可知矣。經見爲人後者。如子之服。僅止於父。故傳爲凡不見者言之。又詳此傳言爲人後者。爲所後者。祖父母服。則是所後者死。而其祖父若父或猶存。於祖父若父猶存。而子孫得置後者。以其爲宗子。故爾。蓋尊者已老。使子孫代領宗事。亦謂之宗子。所謂宗子不孤者也。非是則無置後之義。

義疏云。按爲人後者。爲所後父服。斬以父服。服之不稱爲父。而何稱乎。居所後之喪。可不曰父喪乎。不杖。菴章云。爲

人後者爲其父母報以世叔父之服服之也不稱爲世叔父而何稱乎。遭本生之喪其位則在衆兄弟之列矣。其次則入衆兄弟之伍矣。不曰世叔父之喪而乃曰父喪乎。若已居所後之喪而本生者尙在則已爲喪主而本生不得不從衆兄弟之班禮固然也。士大夫且如此。況天子諸侯乎。議嘉靖間大禮者其蓋審於此邪。

夫至尊也。小記婦人不爲主而杖者姑在爲夫杖。義疏云按三年之喪無不杖者以婦位與姑同處嫌姑爲適子杖則婦不當以杖卽位故小記明之耳。

妾爲君義疏云按妾有隨妻媵送之娣姪。士婚禮雖無娣

賸先是也有買以爲妾者曲禮買妾不知其姓則卜之是也又內則聘則爲妻奔則爲妾注云妾之言接聞彼有禮走而往焉以得接見於君子是名妾之義

女子子在室爲父義疏云此所謂在家天父者也注云關已許嫁者以旁親自期以下女子許嫁有逆降之法嫌於父亦然故言之也其童子婦人服父亦同但不杖不踊如童子不備禮耳

布總箭筓屨衰三年賈氏疏上文冠繩纓非女子所服此布總箭筓屨等亦非男子所服屨有二種士喪禮婦人屨於室注云始死婦人將斬衰者去筓而纓將齊衰者骨筓

而纒今言髻者亦去笄纒而紒也齊表以上至笄猶髻
之異於括髮者既去纒而以髮爲大紒如今婦人露紒其
象也其用麻布亦如著慘頭然也婦人髻之制也二種者
一是未成服之髻卽士喪禮所云者是也將斬衰者用麻
將齊衰者用布一是成服之後之髻卽此經注是也如著
慘頭引漢法况之

賈氏又云男子殊衣裳衰綴於衣衣統名爲衰故衰裳並
見婦人連裳於衣故直言衰不別言裳也婦人表亦外削
幅如男子衰其裳如深衣裳六幅破爲十二縫齊倍要要
縫半下也注謂深衣則表無帶下者下記云衣帶下尺注

云要也廣尺足以掩裳際也婦人裳既縫著衣故不須用之又無衽者下記云衽二尺有五寸注云衽所以掩裳際也男子裳前三幅後四幅開兩邊露裏衣是以須衽屬衣兩傍垂之以掩交際之處此既下裳如深衣故不須衽以掩之也

又賈氏云箭筓並終三年乃始除之小記婦人帶惡筓以終喪彼謂暮服者帶與筓終喪此斬衰者帶既練而除筓則終三年

又敖氏云經言筓摠髮衰皆所以示其異於男子則與男子同者莊帶杖屨也士喪禮婦人牡麻經結本是亦婦人

斬衰要經之異者此不見之者以經唯主首首經故畧之
又義疏云露紒謂去纜也凡髮皆然男子折髮與免亦先
去纜而露紒士喪禮下篇曰丈夫髻

總六升長六寸節賈氏曰此斬衰總六寸南宮縚之妻爲
姑總八寸以下雖無文大功當與齊衰同八寸小功總麻
同一尺吉總當尺二寸也此箭筈長尺吉筈尺有二寸南
宮縚之妻爲姑榛以爲笄亦云一尺則大功以下不容更
差降故五服略爲一節皆用一尺而已 敖氏曰總六升
亦但指卒哭以前者也其卒哭以後當與男子受冠之布
同七升既練則八升也

義疏曰子嫁反在父之室蓋亦有不關七出者如國亡于死無大宗收族之類皆是按此等如夫在則從其夫夫亡則彼已爲夫三年矣不更爲父三年婦人不貳斬也反室而爲父三年者專指被出於夫者言耳疏衰不杖期草姑姊妹女子子適人無主者可以互推

公士大夫節鄭氏曰士卿士也李氏心傳曰卽卿字之誤當矣

又義疏云蓋天子諸侯皆君道則全乎其君也公卿大夫皆臣道則雖有臣而不全乎其君也其臣但曰私臣而已故又別其衆臣而稍爲之降殺焉敖氏謂士亦有貴臣衆

臣故云於士又殺然則士之貴臣亦布帶繩屨與。

公卿大夫室老節鄭氏近臣闕寺之屬君嗣君也近臣從君喪服無所降也賈疏按周官闕人寺人近君之小臣又與衆臣不同無所降其服敖氏曰近臣君服斯服乃諸侯之近臣從君服者也傳言於此似非其類義疏云按小記近臣君服斯服矣謂稅服也服問近臣唯君所服服也謂君之母非夫人者非是則於君喪未有嗣君服而臣不服者也此其衍文與。

斬衰三年後義疏云案斬衰正服三升義服三升有半冠皆六升首經要帶皆直麻絞帶則牡麻婦人首經直麻要

帶亦牡麻既葬受衰同六升冠七升男子首經要帶皆易
以葛婦人易首經以葛而要帶不以葛帶則賈氏以爲變
麻服布可也經帶大小之差傳文傳決既練衰七升冠八
升男子除首經猶存要葛婦人除要帶猶存首葛大祥後
緇冠素紕麻衣以十五升吉布爲之而布緣棄杖則男子
要葛婦人首經悉除矣禫後織冠閒傳孔疏云素端黃裳
吉祭以從始從吉也

義疏又云按斬衰經所未著者不杖期章爲君之父母條
傳云父卒然後爲祖後者服斬所謂也孫承重者也其承
曾高之重者亦如之鄭答趙商云天子諸侯之喪皆斬衰

無期。然則天子諸侯之孫若曾玄皆不以孫曾之服而以臣服也。小記與諸侯爲兄弟者服斬，嫌不以臣服而以兄弟服。故明之服問諸侯之世子不爲天子服，大夫之適子爲君皆斬也。爲君如士服，先儒以爲凡卿大夫之適子爲君皆斬也。父卒則爲母孔氏穎達曰：小記祖父母而後爲祖母後者三年。此論適孫承重之服。祖父母卒者謂適孫無父而爲祖。後祖父母已卒，今遭祖母喪，故云爲祖母後也。如父卒爲母，故三年。若祖卒時父在，已雖爲祖期，今父沒後祖母亡時，已亦爲祖母三年也。

傳曰：慈母者何也？節賈疏知非天子諸侯之妾與妻子者。

下記云公子爲其母練冠麻衣線練既葬除之。父沒乃大功。明天子庶子亦然。何有命爲母子。爲子三年之事乎。

義疏云。案繼母如母。如適母也。慈母如母。如生已之妾母也。慈母若死於父在之日。士之子服期與父同。官者不禫。不以杖卽位。大夫之子則大功。若適妻所生子。雖爲妾母。所慈不得有此服。以其父不可命適妻之子爲妾子也。庾蔚之云。子不違父之令。豈從失禮之命耶。又小記云。爲慈母後者爲庶母可也。爲後云者卽此命爲母子。爲之喪主耳。非若爲人後爲大宗後受重者也。

又劉氏智曰。小記爲慈母之父母無服。孫宜無慈祖之服。

矣慈母與妾母不世祭孫不祭慈祖母何服之有

又虞氏喜曰慈母服之如母若父先亡而已養於祖以祖母之服服之期可也不得復傳重三年

又義疏云按慈母妾母其孫均無承重之法以其不得體君也虞喜謂服期亦非的義父在既不從服父沒又不傳重則亦何庸以慈母而廢一年之祭乎援同室生總之義其可

父之所不降云云義疏按小記云妾爲君之長子與女君同此記云妾爲君之長子惡筭有甘布總然則母之爲長子同乎父妾爲君之長子同乎女君者也

齊衰三年後義疏云集齊衰三年正服衰四升冠七升義服衰五升冠八升首經要帶皆牡麻而又布帶既葬正服受衰七升冠八升義服受衰八升冠九升經帶男子俱易葛婦人易首經不易要帶與斬衰同既練正服衰八升冠九升義服衰九升冠十升餘與斬衰並同。

義疏又案小記祖父卒而後爲祖母後者三年此遺孫承重者也其承曾高祖母之重者亦如之上斬衰章傳云爲人後者爲所後者之妻若子則於所後者之繼妻亦同如爲人後而兼承重則所後或祖母若曾高祖母並同也女子子反在父室者父不在爲母三年又妻爲君之長子三

年與女君同。

疏衰裳齊至疏屨期者義疏云。按周景王於穆后太子壽卒。而叔向謂其一歲而有三年之喪。二焉。蓋雖止一期而禫杖具有。故有三年之義焉耳。然尚有未別白者。凡禫必主喪者主之。母之喪。父爲之禫。故子從父而禫之也。若出母與繼母嫁而從者。則已非喪主。何禫焉。愚按下經不杖。麻屨者。其制又殺於禫杖者也。以此之齊衰杖期。直亞於齊衰三年。而謂之三年之喪。解者云。母妻之喪。實有三年之義。殆不誣矣。且禫祭名也。禫之言澹澹然平安也。十五月而禫。則雖並之三年喪焉可也。

傳曰問者曰何冠節降服齊衰正服齊衰義服齊衰降服大功正服大功義服大功已上六等之服衰及冠之升數既非皆以其冠爲受而遞減之如降服齊衰初衰衰四升冠七升既衰有受者受衰七升冠八升故云以其冠爲受也餘放此若降服小功正服小功義服小功及緦麻則既葬之後無受者其冠皆與其衰升數正同如降服小功衰十升則冠亦十升也餘放此

父在爲也故氏曰此主言士之子爲母也蓋士之庶子正同適子其大夫以上之庶子則有不同者故故氏著之實則大夫以上之子皆用此條也

傳曰何以期也。屈也。節。李氏如圭曰。疏。衰不廬。而父在。爲母。爲妻。居廬。期大功三月。不御於內。而父在。爲母。爲妻。終喪不御於內。期既葬。食肉飲酒。而父在。爲母。爲妻。終喪不食肉飲酒。皆其異者。愚按。春秋傳。王一歲而有三年之喪。二焉。胡氏以太子也。喪妻之義。亞次於齊衰三年。而父在。爲母者。心喪以終之。可以觀其會通矣。又敖氏云。喪妻者。必三年。然後娶。禮當然爾。非必專爲達子心喪之志也。蓋夫之於妻。服雖有限。而情則可伸。故必三年。然後娶。所以終牌合之義。焉。若謂唯主於達子之志。則妻之無子而死。者。夫其可以不俟三年而娶乎。愚按。敖氏之說。顯與經違。

而無子一條亦有可得而辨者何也凡妻之有子者過半無子者亦幾半但舉有子而言則無子者義可通矣雖無子而以有子者例之所以爲厚也經傳之旨殆若此乎如其不然則傳者當云無子者不俟三年矣今不著之者所以見無子與有子同也

義疏云或疑無子者有出道夫爲之喪或有殺禮可不必三年而娶乎曰據曾子問女未廟見而死者婿不杖不菲不次然猶爲之服齊衰其已廟見者於禮無殺焉可知也其無子者必及年乃出之未出而死則不可以既死而追出之也然則待三年然後娶其喪妻者之通義與

父在爲母傳義疏云按士之庶子爲其母如衆人則亦杖期也小記庶子在父之室則爲其母不禫庶子不以杖卽位雖不以卽位爵杖也不禫則祥而釋服矣此其異者若父子異宮者則庶子亦伸禫焉

義疏又云按祖若父俱亡則爲祖母三年祖在則如父在爲母之服服之以杖期也愚按朱子曰祖在父亡祖母死亦承重承重者蓋云三年也此似推後世之制以明傳者之所未備然宜以義疏服以杖期爲至當焉又有疑母在子亦爲祖母承重乎抑否乎義疏斷之曰受重於祖則祖母之服不以母在而有異義尤備矣

夫爲妻節鄭氏適子父在則爲妻不杖以父爲之主也服
問云君所主夫人妻大子適婦愚按服問注云夫人者君
之適妻故云夫人妻大子適子也其妻爲適婦三者皆正
故君主其喪此經文雖通上下實主適子而父沒者言之
也又据小記云父在庶子爲妻以杖卽位可也則以父不
爲庶子之妻爲喪主故夫爲妻得伸杖也

又義疏云案下記云公子爲其妻練冠葛經帶麻衣縗緣
旣葬除之謂父在者也又大功章公之庶昆弟大夫之庶
子爲妻注云公之庶昆弟則父卒也大夫之庶子則父在
也此庶子爲妻皆不得服其本服得服其本服者惟士之

庶子及大夫之庶子父不在者耳。

出妻之子爲母賈氏此謂母犯七出去夫氏子爲之服者也。天子諸侯之妻無子不出。唯有六出。義疏云。按伯魚之母出而在父室者也。子上之母出而再適者也不爲。及也。妻者是不爲白也。母言其異於先君子者也。子思不欲直斥其妻而言詞隱躍之間足以見之矣。

又敖氏云。出妻者見出之妻也。云出妻之子主於父在者也。若父沒則或有無服者矣。如下傳所云者是也。又此禮亦關上下言之。若妻子之爲其出母則亦或有不然者。非達禮也。愚按諸家之解似乎各出實無異。同總而言之。反

在父室則有服再適人則無服父在則有服父沒而身為
父後則無服此經傳之旨可推演而明也又按齊衰不杖
期章兄弟為姊妹父為女子之適人無主者傳曰無主者
謂其無祭主者也何以期也為其無祭主故也義疏所云
主之者出母之父若昆弟之為父後者則期而除正指此
也以伯魚之事證之則父在非父沒可知然若出妻之子
非一人而父不在為父後者無服不為父後者仍有服教
氏所論猶有遺也

出妻之子為父後者節朱子曰出妻之子為父後者無服
此尊祖敬宗家無二上之意愚按家無二上謂所重在父

故母則從輕也。然意向未顯，易得誤會。或亦朱子未定之文與。

出妻之子節。鄭氏曰：繼母爲父所出，不服。又或問庶子服出適母否。徐氏邈曰：經言出妻之子爲母，明非所生，則無服。又許氏猛曰：爲人後者爲所後者，若子本生母出，則不應復服，以廢所後者之祭也。義疏云：已雖爲出母，服其妻則不從服。出姑子亦不服。出祖母，蓋生我之私恩，祇在一身，而大義已絕，則其倫類不可得推。故不服。又出母與其子相爲報母之服，子不至夫之家，子之服母則雖曰絕屬，未嘗不可至母之父母之家也。若遠不得往，則哭之於

他室妻與子皆無服若有兄弟數人則亦相序而哭與舍於外不御內不飲酒食肉而已禫則必無之

父卒繼母嫁從爲之服報節義疏云案此繼母之後夫卽同居繼父也其終也或同居或不同居於繼母之服無變焉繼母嫁後或自有子主其喪或彼有他子主其喪或後夫尙在自主其喪此子於繼母之服亦無變焉所以酬其撫育之恩而殊於繼母之徒嫁者也因母嫁而從者無文何也其服同也何以知其同無可加也

義疏又云出妻之子與從母嫁之子雖爲其母杖若在彼家不拜賓不以杖卽位知然者非喪主也彼有主之者也

夫聖人於娶婦聽其再嫁且令其子制服焉何歎曰夫死
妻艱子勿無大功之親而挾其子以適人雖死者復生猶
有說焉以因母見出之服服之而相爲報亦所以勸卹孤
也

傳曰何以期也資終也崔氏云此服之者庶子耳爲父後
者不服也繼母嫁與宗廟絕爲父後者安可以廢祖祀而
服之乎義疏亦云按母嫁而從旣則辭母而歸終竟成立
立廟承祭此所謂爲父後者矣雖有撫育之恩不勝父後
之重崔氏所云是也如有弟偕從者則弟當服之愚按此
與出妻之子爲母例同

又義疏云漢石渠議問父卒母嫁何服蕭太傳曰當服周
爲父後則不服韋元成曰父沒則母無出義王者不爲無
義制禮故不制服也宣帝詔曰婦人不養舅姑不奉祭祀
不下慈子是自絕也故聖人不爲之制服元成議是也且
按子思之喪其母也記但言哭之則不服也哭之者私情
也服者禮制之所不容越也

齊衰杖期後義疏云按齊衰杖期降服衰四升冠七升正
服衰五升冠八升義服衰六升冠九升父在爲母降服也
爲妻正服也出母及繼母嫁而從者則義服與首經要帶
皆牡麻而又有布帶既葬降服受衰七升冠八升正服受

衰八升冠九升義服受衰九升冠十升經帶男子俱易其
婦人易首經以葛不易要帶十一月而練降服衰八升冠
九升正服衰九升冠十升十三月而祥杖經帶悉除緇冠
素紕麻衣十五月而禫其不禫者期滿而除之又按爲
母則繼母慈母皆如母爲妻則繼妻如妻適孫承祖母之
重曾玄孫承曾高祖母之重者祖父在若曾高祖父在亦
如之爲人後者所後父在爲所後母若繼母亦如之兼承
重則一如承重之法女子之反在父室者父在爲母若繼
母與在室同

不杖麻履飾敝氏曰大功章云三月受以小功衰卽葛九

凡此受以大功喪卽葛而期爲異耳。

祖父母節義疏云祖父在而祖母先沒祖父與父服杖期孫服不杖期父服四升祖孫皆服五升此降正精粗之別也注疏以父在爲母之降服四升作正服五升非也

義疏又云上經言繼母如母此不言繼祖母者古文簡約已包於祖母中也若庶祖母則無服妾母不世祭則庶子之子無服矣

祖父母傳義疏云宋子爲父母三年孫爲祖父母期皆正服而疏與敖氏以爲加者據三年間之義也愚按敖氏謂不可以大功之服服至尊故加而爲期也此亦融會三年

問加隆之女而有此說云

世父母節。愚按爾雅釋親父之最。謂諸生爲世父。後生爲叔父。劉熙釋名。父之兄曰世父。善爲爾雅。繼世也。又曰。伯父。父之弟曰仲父。仲父之弟曰叔父。叔少也。叔父之弟曰季父。此言世父母叔父母。則伯仲叔季該之也。

世父母節。義疏云。伯父繼母爲小宗。故謂之世父。五屬之服。同父者期。同祖者大功。同曾祖者小功。同高祖者緦。世叔父與已同出於祖。應服大功。以其與父一體。故進服期。世父母叔父母節。鄭氏曰。爲姑在室亦如之。賈疏大功章。爲姑嫁大功。明未嫁則期也。又敖氏曰。女子子在室爲之。

亦然唯已許嫁者則異也此服皆報。

傳曰世父叔父何以期也節敖氏云世叔父本是大功之服以其與父一體故當加一等也。義疏以此傳考之則世叔父之期乃是加服從父昆弟之大功則其正服也。

然則昆弟之子節義疏按檀弓兄弟之子猶子也蓋引而進之也此爲昆弟子服期之義也以其爲已服也而服之又有報義焉爲世叔父服爲其與尊者爲一體亦並有引而進之之義凡此所以敦一本之愛而勸篤親也。

昆弟之義無分節義疏云鄭注言與宗事者謂世父或世父之子世父之孫爲後者宗事謂同宗之人冠昏嫁喪祭

諸事此謂小宗也。敖氏并言大宗者謂以小宗兼大宗者耳。古者大功同財則同祖者亦在焉。

大夫之適子爲妾節。義疏云。小記世子爲妻與大夫之適子同。是天子諸侯之適子亦然也。君於庶子庶婦有降殺而於適子適婦無異。同故云。包上下也。特舉大夫之適子者。孔氏穎達曰。大夫是尊降之首。故特顯之。

大夫之適子爲妾節。義疏云。按小功章。庶婦士之本服也。非由大夫尊降而然。疏謂大夫爲庶子之婦。小功誤矣。大夫以尊降當總麻。而大夫無總麻。故至於不服。父爲適子之婦爲喪主。九月而除。子則祥而除之。不禫。故不杖。

又敖氏曰降有三品。大夫以尊而降。公之昆弟。大夫之子。以其父之所厭而降。爲人後者。女子之適人者。以出而降。愚按鄭氏云。降有四。君大夫以尊降。公子及大夫之子以厭降。公之昆弟。以旁尊降。爲人後者及女子之嫁者。以出降。今敖氏以公之昆弟并入厭降。則旁尊之說所不用也。疏曰。旁尊者。此亦非已尊。爲公尊。旁及昆弟降。其諸親。然則鄭意亦同。以尊而降。特不入厭降也。義亦相通矣。

昆弟節。義疏云。此及下文衆子。昆弟之子。皆主於士也。若大夫大夫之子。則異矣。

爲衆子節。劉氏玠曰。若適子有廢疾。不得受祖之重。則服

與衆子同蓋以不堪傳重故不加服非以廢疾而降也子婦之服例皆小功以夫當受重則加大功若夫有廢疾則仍小功亦非降也。

昆弟之子傳義疏云此兩相爲服傳言報者著其實也經不言報者欲以倫類爲次而兩見之故也。

爲適昆弟節義疏云適昆弟謂適子之長者爲父後者也其餘則適子之同母弟亦庶子也亦有庶母所生爲昆而適母所生爲弟者則庶昆不爲後而爲適弟服期經注兼弟言之謂此也。

爲適昆弟傳敖氏云大夫之子於昆弟之屬或有所降者

自周禮言 卷一 一
以從乎其父而不得不降之耳。若爲其父之適及尊同者
乃其父之所不降者故已。亦得遂其服焉。非謂以父不降
之故欲降之而不敢降也。凡後傳之言若此者不復見之。
又義疏云此服亦通上下。自天子以下至於士皆加隆於
適而庶則或降焉。或絕焉。此宗法也。昆弟相爲期本服也。
從父之所降而降之從父之所不降而不降之。但非出於
其子欲降之意耳。

適孫傳賈氏疏曰小記適婦不爲舅後者則姑爲之小功。
注云謂夫有廢疾他故若死而無子不受重者小功庶婦
之服也。凡父母於子舅姑於婦將不傳重於適及將傳重

者非適服之皆如衆子庶婦也是以此云凡父於將爲後者非長子皆期明父爲長子斬祖爲適孫期若非適孫傳重同於庶孫大功也

適孫傳庾氏喜曰有適子者無適孫又若爲宗子母服則不服宗子婦以此推玄孫爲後若其母尙存元孫之婦猶爲庶不得傳重傳重之服理當在姑又庾氏蔚之曰舅沒則姑老是授祭事於子婦至於祖服自以姑爲適所謂有適婦無適孫婦也

爲人後者節旣爲人後便須將所後者呼之以爲父以爲母不如是則不正也後之立疑義者見禮有爲其父母報

便是須是稱親體文蓋言出爲人後則本生父母反呼之
以爲叔父伯父故須著道爲其父母以別之非謂將本生
父母亦稱爲父母也。

爲人後節敖氏云父母爲支子服率降於爲己服一等此
爲人後者爲其父母期其父母亦報之以期而不降者以
其旣爲所後者之子統不可二故不敢以正尊加之而報
之也。

又義疏云疏謂不在禫杖者深抑之此爲人後者支也其
適子自爲父後二十五月而禫爲人後者固不可以十五
月之禫參之也然則不必深抑之而已無禫杖之法矣。

又義疏云。又按爲人後者。若係親昆弟之子。則不杖期。其本服也。其他則自小功。以至於無服。而皆爲之不杖期。以其本生親之也。是則降於大宗。亦未嘗薄於本生。大宗至重。以正尊尊之本生。次重以旁親之首尊者。尊之。聖人之度量權衡。夫豈苟哉。朱子謂所後父與所生父並在不。可並稱爲父。此猶爲士大夫言之。若爲天子諸侯後者。則於君前當名其所生父矣。伯叔父且不可稱也。而况稱父乎。惑於此者。可以解矣。

爲人後者。孰後節。敖氏曰。尊者天子。卑者諸侯。此尊統。謂爲祖禰之統者也。尊統上。天子始祖之所自出者也。尊統

下諸侯之大祖也。應按以此二句釋上文諸侯天子者。故氏固爲得之。而賈氏推之大夫士。義尤詳備。當兼用二家之解。則無餘蘊也。

爲人後者。孰後節。故氏聖曰。大宗不可絕。又言適子不爲後者。不得先庶爾。族無庶子。已有一適子。當絕父以後。大宗。又田氏瓊曰。同宗無支子。唯有長子。以長子後大宗。諸父無後。祭於宗家。以其庶子還承其父。

又義疏云。大宗無後。則同父仲叔季之子。皆可後之。凡同祖同曾祖同高祖。以及無服之子。皆可後之。但取同繼別之宗而已。又按適子不得後大宗。則小宗亦不可輕絕。明

矣小宗無後者不立後古法也以支子後之要亦非聖人之所禁者。

爲昆弟之爲父後者傳義疏云婦人已嫁而反父在則歸於父父不在則歸於昆弟之爲父後者如昆弟之爲父後者又不在則所謂有所取無所歸者而夫亦不去之矣古者婦人父母亡無歸寧之法惟見出乃歸宗爾云必有者歸宗雖或然之事而必有可歸之宗他無可歸則歸此昆弟之爲父後者故不降而爲之期也。

繼父同居傳按陳氏鈔曰子有大功不可以隨母彼有大功不可以專財也又賈氏疏曰隨母嫁得有廟者非必正

廟但是鬼神所居曰廟若庶人祭於寢也。

繼父同居傳義疏曰按小記有主後者爲異居相繼父他
年自有子者也然則爲之服者不獨以其恩亦憐其無主
彼若有主則此之情殺矣合小記觀之尤僭愚按異居之
說小記蓋推言其所以然而知有主後者必當異居也敖
氏以小記之言異居與此傳異者殆未之思歟。

爲夫之君節李氏如圭曰大傳有屬從有徒從屬從者所
爲服者於已有血屬之親也徒從者與彼非親空從而服
之也子爲母之黨妻爲夫之黨夫爲妻之黨屬從也臣爲
君之黨妾子爲居母之黨妾爲女君之黨子爲母之君母

妻爲夫之君，徒從也。小記從服者所從亡，則已屬從者所從。雖沒也，服傳云從服，謂徒從也。

又義疏云：臣妻不服君夫人者，以從服直一從而已，不累從也。

適人無主者，節義疏云：女子子適人無主者，父爲之期，而彼不爲父斬，何也？服過於期，則疑於見出而去夫之室者矣。此主謂大夫士小宗不立後者，若大宗立後，則無無主者矣。愚按此條確不可易。

傳曰：無主者，謂其無祭主節。雷氏次宗曰：在室姊妹，咸得相服。若出適者，不爲無主者加服。兩無主者，不得互相爲。

期。

謂其無祭主節義疏云按婦人無祭主以其夫無祭主故也其夫無祭主猶得耐食於宗子之家婦人則竟已矣故父母昆弟姪九矜之也曰不從夫而耐食乎適子自祭其祖禰尙有吉祭未配者無後者與殤者等禮從其略安得配耶。

父卒然後爲祖後者服斬義疏云按承重之服經無正條於此傳見之間有附見於斬衰三年并杖期章者讀者互考之可也。

父卒爲祖後節義疏云父卒然後爲祖後者服斬則是父

在而祖之不爲君者卒君雖爲之後亦唯服期以父在故爾唯祖後於父而卒者君乃爲之斬也蓋其斬與期唯以父之存沒爲制君服斬然後臣從服期也又此言爲君之母與其祖母皆指其卒於夫死之後者也其夫若在君爲之期則臣無服也

又虞氏喜曰賀循喪服記父未殯而祖父死服祖以期以父尸尙在人子之義未可以代重也喜以爲祖父正統非爲旁親若父死未殯服祖但期則傳重在誰假使祖爲國君已爲適孫祖沒已嗣此受國於祖祖之羣臣服三年而適孫服期殯葬送葬新杖無主如大父何

父卒爲祖後節鄭氏云父卒者父爲君之孫宜嗣位而早卒今君受國於曾祖也賈疏曾祖爲君堯羣臣自當服斬若君之祖堯君爲之服斬臣從服期也若然父既早卒祖亦是廢疾不立是以今君受國於曾祖丹陽妻上均辨之曰愚按父卒爲祖斬父在君合爲祖期且父雖有廢疾服自可斬主喪則君可攝也注背經立說蓋失之受國曾祖之說亦非注以受國於祖則臣當爲君之祖斬不當爲之期故爲此說耳如祖曾有廢疾傳位於其父今父死嗣位而祖方卒則臣惟爲君三年舊君不得爲三年也何疑於爲君之祖期而背經爲之辭哉愚按此條俟再考定

父卒爲祖後賈疏云趙商問已爲諸侯父有廢疾不任國政不任喪事而爲其祖服制度之宜年月之斷云何鄭氏康成曰父卒爲祖後者三年斬何疑問父卒爲祖三年已聞命矣所問者父在爲祖欲言三年則父在欲言期則無主未知所定答曰天子諸侯之喪皆斬衰無期 按此條朱子深歎服之

又義疏云按如宋孝宗之喪光宗雖在尊宗嗣位既受重則必服斬蓋未有羣臣皆服重而嗣君反可以輕服者也以此推之於大夫士凡祖父之喪父有廢疾不能受重則適孫受重而服斬禮亦同之或云父雖廢疾可以斬衰被

之而孫則仍以期服攝喪主之事非也。重必有所傳有所受。子不能受於父則孫受之於祖矣。受重者有輕服乎。若先宗之喪則寧宗自爲父斬衰。羣臣當從君降一等而爲之服期。以其未成乎君也。堯老舜攝。堯尙爲君。若堯時舜先沒則諸侯不爲舜三年喪。唐之肅代。宋之高孝。當從此例。若先宗與明之光宗則但可從春秋王子猛之例。愚按此條正破姜說。然有宜稍節處。

父卒爲祖後節。朱子曰。適孫承重。庶孫是長亦不承。又唐氏順之曰。俗人以承重爲代父服。非也。承重者禮之所謂受重也。重謂祭統也。受重者必以尊服服之。爲人後

者以旁枝後其大宗爲祖後者以適孫後其祖雖其本末
疎戚不同而其所以必爲之三年者則皆以爲後故爲後
者受重之謂也爲曾祖後則爲曾祖斬爲高祖後則爲高
祖斬若以代父爲說則是父之所齊期三月者吾代爲之
斬本末倒置甚矣又何以爲代乎

又義疏云案祖沒於父後而曾祖尙存如之何子爲父斬
不以祖之存沒異也則承父之重而爲祖斬不以曾祖之
存沒異可知矣父祖沒母在而有祖母之喪如之何父卒
爲祖斬不以母之存沒異也則祖父卒而爲祖母三年不
以母之存沒異可知矣孫爲祖承重而曾祖尙存則不以

杖卽位以曾祖服斬爲之喪主也。曾祖存重在曾祖孫爲祖服斬者亦可以稱承重乎。曰重雖在曾祖年既老則亦可傳矣。舍承重別無他稱是亦宗子不孤之類也。

又吳氏商曰。禮貴適重。正所尊祖。廟繼世之正也。受重者不得以輕服服。是以孫及曾元爲後者皆服三年。受重故也。且孫爲祖正服期。祖爲孫正服九月。適孫爲後則祖爲加服期。孫加服祖三年。此經之明據也。今欲使祖以適加孫。孫以庶服報祖。豈經意耶。

妾爲女君傳。按鄭氏女君於妾無服報之則重。降之則嫌。放氏以士妻言之。乃爲其無親者。故無服耳。若有親者則

宜以出降一等者服之。丹陽姜上均曰：小君於姜，猶君與臣。臣雖無服，聖有錫衰疑衰，弔服加麻之屬矣。鄭云：降之則嫌者，義似未備也。愚按：鄭氏無服正也。其或有爲之服者，則以私恩推及之，而非其正歟。

婦爲舅姑傳，義疏云：婦事舅姑如事父母，而服止於期。然夫必三年而後寢，則猶是三年也。故曰：與更三年喪不去。又案：妾爲君之黨服，得與女君同，則妾雖不得正名之曰舅姑，而服亦期矣。繼母如母，則繼姑如姑可知。夫之慈母亦當同服。

婦爲舅姑傳，虞氏喜曰：庶子爲父後，上繼祖禰，故爲所生。

自前漢書 卷十一
母服總其婦當依公子之妻爲其皇姑從輕服重義疏云
庶子爲後其妻自應從夫而降虞喜之說非也

義疏又曰子爲父三年父沒爲母亦三年而婦服期然則
夫在喪而妻以吉服與祭可乎曰可成之祭賓弔服練之
祭賓吉服凡齊衰者皆除矣祥禫之祭婦吉服諸孫昆弟
昆弟之子並同笑爲而不可乎

公妾大夫妾爲其子傳鄭氏曰此言二妾不得從於女君
尊降其子也女君與君一體唯爲長子三年其餘以尊降
之與妾子同也賈疏曰諸侯絕旁期爲衆子無服大夫降
一等爲衆子大功故其妻體君皆從夫而降之至於二妾

賤皆不得體君，故自爲其子得伸而服期也。義疏則曰：婦人以有出爲榮，亦使得伸其情於所出也。此與公子之妻服其皇姑之意相類。

女子子爲祖父母傳，鄭氏曰：經似在室，傳似已嫁，明雖有出道猶不降。愚按：敖氏云：章首已見祖父母，則是服亦在其中矣。必復著之者，嫌出則或降之也。祖父母分屬至尊，不可以兄弟之服服之。故雖已嫁，與在室同。傳主已嫁言之，卽在室者，無庸贅矣。

大夫之子爲世父母節，賈疏云：六命夫者，世父一也。叔父二也。子三也。昆四也。第五也。昆弟之子六也。六命婦者，世

母一也。叔母二也。姑三也。姊妹四也。姝五也。女子子六也。丹陽姜上均曰。經文無主者在爲大夫命婦者之上。而傳文先釋爲大夫命婦者。次釋無主者。蓋以爲大夫命婦者句。總承上文而言。故先釋之也。世叔父子昆弟昆弟之子爲大夫一類。世叔母爲命婦又一類。姑姊妹女子子無主者。而又爲命婦又一類。故大夫之子。並以不杖期服之文義承接如此。而舊注或未之審也。

大夫之子傳曰。何以言唯子不報也。女子子適人者。爲其父母期。故言不報也。言其餘皆報也。愚按傳文之意。設爲問詞曰。經何以言唯子不報耶。子有男女。若女子子之出

適於人者爲其父母期是亦報也。故言唯子不報者。專指男子也。自男子爲父母三年而外。其餘皆報也。傳意如此。本明易顯白。而鄭氏康成駁之。賈氏公彥又依注駁之。敖氏繼公又駁之。於是轉駁轉晦。今按經文子與女子子。其稱不混。則瞭如矣。義疏云。注家謂男女同不報。不如直指男子之直截。此言得之矣。

公妾以及士妾節。敖氏云。上云女子子。適人者爲其父母。則此妾之服已在其中矣。復言此者。嫌爲人妾者。屬於其君。則爲其私親。或與爲人妻者異。故以明之。云公妾以及士妾。又以見是服不以君之尊卑而異也。

公妾以及士妾傳鄭氏云然則女君有以尊降其父母者與春秋之義始爲天王后猶曰吾季姜是言子尊不加於父母此傳誤矣愚按公羊傳自我言紀父母之於子雖爲天王后猶曰我季姜也鄭氏言此應後世因此傳之文而疑與君敵體者可以尊降其父母故引春秋之義以申之雖未得傳意而用心可謂密矣

義疏云妾得爲父母遂一則嫌爲妾者屈於其君或不得服其私親一則嫌爲女君之黨服則不爲己之黨服也禮所以決嫌疑定猶豫其此類乎愚按下記云凡妾爲私兄弟如邦人例正同此

齊衰不杖期後義疏云按齊衰不杖期降正義服升數經帶用麻用布之法既葬受服變除悉與杖期同但小祥而除之無既練之受服耳 又案齊衰期以不杖者爲通服自三年降一等卽屬之故項多而緒紛經文未著後人之所引伸者女子子在室與男子同則其爲世叔父母昆弟姑姊妹在室者昆弟之子昆弟之女子子在室者期也丈夫之爲姑姊妹女子子昆弟之女子子在室者亦期也婦人爲夫黨之卑屬與夫同則爲其衆子女子子在室者夫之昆弟之子女子子在室者亦期也其嫁而反在父室者親屬之相爲亦如之妾爲已子得遂則公妾以及士妾爲

其女子子在室者若反在室者與子同矣。妾爲君之黨服與女君同則爲君之父母。當如女君之爲舅姑。士之妾爲君之衆子同已子矣。繼母如母則繼祖母如祖母。繼節亦如姑。慈母如母則夫之慈母亦如姑矣。但孫不服慈。祖母耳。爲人後者爲所後者之親。如子則所後者之父母卽已之祖父母矣。其爲昆弟廢疾不爲後者。姑姊妹若昆弟之女子子在室者亦如之。其相報者亦如之。爲人後者之妻爲夫所後如舅姑。夫所後之昆弟之女子子在室者相爲亦如之。士爲適子廢疾不受重者期則同之於衆子也。世子爲妻期則同於大夫之適子爲妻也。凡庶昆弟爲世子

期則於大夫之庶子爲適昆弟可推。且又臣從君服也。大夫之適子爲君夫人太子期同於父也。亦臣從君之服也。大夫之子爲昆弟之子。將爲祖後者不降。則以尊者不降。其適推之也。大夫爲適昆弟。爲世叔父母。昆弟。昆弟之子。爲大夫者。爲姑姊妹女子。子爲命婦而無主者不降。互備於其子之服也。公之昆弟爲世叔父母不降。以彼亦公子則尊同也。君君夫人之喪。其孫曾玄之婦。從孫曾玄而服者。內宗外宗之爲君爲夫人者。皆期。以輕服不可服。至尊又婦人不貳斬也。服問公子之妻爲其皇姑。夫不服而妻服之。以在內也。以此推之。則公妾大夫妾之女子。子在室。

爲其母。或如公子之妻之爲其姑與。

寄公爲所寓。傳義疏云。同於民者。寄公之自視則然。所寓之君待之。則以賓禮。喪大記可據也。

丈夫婦人爲宗子節。敖氏曰。丈夫者。男子之於大宗。絕屬者也。婦人者。謂絕屬之女子。子在室者。及宗婦也。丈夫婦人於宗子。宗子之母妻。若在嫂叔之列者。則不服之。蓋親者且無服。疎者可知。

宗子母在。則不爲宗子妻服。敖氏云。宗子之母雖老。而妻代主家事。若先其母而卒。族人亦不爲此服。蓋其母尙在故也。此義與宗子不孤而死。族人不以宗子服之者。意實

相類。

又義疏云賈疏謂母年未七十尙與祭非也祭必夫婦親之是以舅沒則姑老叨其不與祭矣雖老固嘗爲主祭之人而婦厭於姑禮無二敬故必母沒而始爲妻服也。

傳曰爲舊君者執謂節敖氏云此嘗仕矣今又在國其服宜異於民乃亦齊衰三月者蓋不在其位則不宜服斬以同於見爲臣者而臣於君又無期服故但齊衰三月而不嫌其與民同也然又爲小君服則亦異於民矣。

庶人爲國君節義疏云敖氏又謂非在官者不服非也民無不服之理上傳再言與民同足以見之矣民之於君遠

矣不可同於臣。又不致以輕服服之。是以齊於三月也。侯國之民不服天子者。勢彌遠而分逾尊。故不可制服也。然週審八音。亦足以致其情矣。爲公卿大夫之君無服。諸侯世大夫不世。經特言國君以此。庶人爲國君之母妻無服。大夫在外節。敖氏曰。大夫在位。與其長子俱爲君服。斬而妻服期。去位則皆爲之齊衰三月而已。士之異於大夫者。長子無服也。

大夫在外傳。敖氏曰。云舊國君。明妻子亦在外也。大夫於舊君思深。故雖去國而於已服之外。妻子又爲之服也。義疏云。反覆經文。則以妻長子爲已去者。終覺未安。傳云未

去亦謂將去而未去適遇君喪者爾恩按放氏之解與鄭氏妻雖從夫而出古者大夫不外娶婦人歸宗往來猶民也頗合然與傳意不合義疏闕之最當云

繼父不同居者節義疏云先嘗同居則固兩無大功之親相依年久且又以彼貨財築此官廡而歲時藉以奉祀矣其後或繼父自有子或立同宗爲後乃異居而其初同居之誼猶夫故也以異居故不服期以先嘗同居故齊衰未可改也恩同於父亦非過論

繼父不同居放氏曰繼父於此子同居異居皆不爲服知不爲服者二章無報文且齊衰三月不可用於卑者也義

疏云父子祖孫服有重輕無不相爲報者。繼父而不報則踰於祖父矣。無此理也不杖期可施於卑者乃斷此三月乎。經不言報或傳寫失之。

曾祖父母爾雅釋親王父之考爲曾祖王父王父之妣爲曾祖王母注曾祖承也。徐鼎釋名曾祖從下推上。祖位尊增益也。

曾祖父母傳沈氏括曰喪服但有曾祖齊衰三月曾孫緇麻三月而無高祖玄孫服蓋由祖而上者皆曾祖也由孫而下者皆曾孫也。雖百世可也。苟有可逮者則必爲服三月。故雖成王之於后稷亦稱曾孫而祭禮祝文無遠近亦

皆曰曾孫。又袁氏準曰：爲曾祖父母齊衰三月，自天子至於士一也。

大夫爲宗子傳李氏如圭曰：大夫不奪宗故也。愚按此言大夫於宗子絕屬，同上支之丈夫婦人者也。絕屬者且不降期有親者亦服之，如邦人可知矣。

大夫爲舊君節義疏云：按爲舊君凡三條。第一條大夫士仕焉而已者在國者也。在國故服君而并服其母妻也。第二條大夫身已去國而妻若長子尙留者也。妻長子服君則不服君之母妻矣。身在外未仕則服已仕則不服也。第三條則指言大夫去國而未仕者其妻若子皆已去可知。

大夫爲舊君鄭氏曰以道去君謂三諫不從待放於郊也
疏曰在境待放得環則還得玦則去如此謂之以道去君
若有罪放逐則爲非道去君也愚按鄭賈之說以在境將
去故傳云未絕此與去國大同小異亦可存參賈氏又云
不言士者惟大夫有此禮若士則曲禮云踰境素服乘楚
馬不蚤鬣不御婦人三月而後向他國無待放之禮是以
三諫不從出國卽不服舊君今據傳文唯言大夫則出不在
在內可知

嫁者其嫁於大夫者也節義疏云此經主爲士之女子子
言之而大夫以上至天子之女子子並同卽大夫女爲諸

侯夫人諸侯女爲天王后者於曾祖無不服也若於其曾祖父母爲天子諸侯者則又不止三月也

義疏又云此經本意唯對出降而言故云嫁者未嫁者明嫁者與未嫁者同不以出適而降也傳乃以嫁於大夫爲詞故敖氏以爲失其旨愚按敖氏謂傳失經旨者誠有之然傳推經之餘意爲言大夫女不降則爲士者可知大夫以上亦可知與經之本旨未相背也乃得此傳而尤明矣齊衰三月後義疏云按齊衰三月疏以爲正服與義服同皆衰六升冠九升是也經帶則與期年者同又按齊衰三月之服爲高祖父母與曾祖父母同大夫不降其期則

天子諸侯爲曾高祖父母之不爲天子諸侯者同爲人後者於所後者之祖父母則已之曾祖父母也其曾祖父母則已之高祖父母也畿內之民服天子與諸侯之民服國君同凡民爲君服夫妻同大夫不降其宗則服宗子之母妻與士同大夫之妻服宗子宗子之母妻與士同

大功布衰裳節義疏云不言布帶因於齊衰可知也其屨繩屨見齊衰三月章注也斬章傳云六升緇而勿灰雜記云加灰錫也則此七升猶勿灰也灰則爲有事矣

子女子子之長殤中殤節賈疏云中殤或從上或從下是則殤有三等制服有二等者欲使大功下殤有服故也若

服亦三等。則大功下殤無服矣。聖人之意然也。愚按此條通論殤服。

殤之經不樛垂。敖氏云。樛當作縵。擅弓齊衰而縵經。正謂此也。終絞也。經謂首經也。垂者其纓也。殤經之有纓者。不絞其纓而散之。此亦異於成人者。故以證之。愚按此說甚當。鄭氏謂不絞其帶之垂者。引禮雜記云。大功以上散帶者。未必然也。

無服之殤。以日易月。按馬融王肅以爲日易月者。以哭之日。易服之月。殤期親則以旬。有三日。總麻之親則以三日。劉氏敞曰。以日易月者。假令長子也。其本服三年。則殤之

二十五日餘子也其本服期則殤之十三日也淳于氏魯
曰傳以期親之重雖未成殤應有哭之差大功以下及於
總麻未成殤者無復哭也大功之長殤在小功下殤總麻
無服之殤則已絕無服名不應制哭故傳據期親以明之
凡總麻之長殤服名已絕不應制哭豈有生三月而更制
哭乎

愚按馬氏王氏劉氏三家謂以哭之日易服之月淳于氏
辨之則謂期親之重應有哭之差而大功以下不應制哭
舊謂總麻之規則以三日者不合禮意也淳于氏與鄭賈
同亦教氏繼公之所依用也此誠無得而疑矣特以人情

於殤子不患其恩之衰而患其恩之過者往往有之則長子三年之服易之以二十五日餘子期年之服易之以旬有三日而自大功以下之未成殤者不復制哭初死則哭之禮從略也禮有節文其殺而又殺者節之而不患其傷恩焉殆此類歟如鄭氏之解則經文止於以日易月之四字頗疑其簡而且晦矣

無服之殤節或問無服之殤以五嘉月哭之於何處有位無射氏慈曰哭之無位禮葬下殤於園中則無服之殤亦於園也其哭之就園也

叔父之長殤中殤節敖氏曰小功章云昆弟之子女子子

夫之昆弟之子女子子之下殤則此服亦夫妻同也是章中不見昆弟之子女子子今以下章例之復考其尊卑親疏之次則知亦當有此七字蓋傳寫者以其文同而脫之耳愚按此七字鄭氏注中已言之或學者可以例求而非脫誤亦可也

大夫爲適子之長殤中殤義疏云適孫謂適子死而適孫應受重者大夫以上亦如之不言者重適之義一也不降不絕如其殤服之可依適子而推耳

其長殤皆九月纓經節教氏云此大功之纓經亦右本在上其異於成人者散而不絞爾七月者經雖不纓猶以麻

之有本者爲之以其爲大功之服也

義疏殤大功九月七月後云按殤大功降服衰七升冠十升義服衰九升冠十一升無受則衰冠經帶皆不變也終其月數除之而已黃氏幹以婦人爲夫之族類爲義服蓋以從義而降者仍依義之等次之欲見與夫不同故也又按殤大功之服爲昆弟之子女子子之長殤中殤敖氏以爲文脫是也其餘未著而可以互推者婦人爲子女子子之長殤中殤適孫之長殤中殤與夫同也女子子在室者爲叔父姑姊妹姪之長殤中殤與男子同也凡妾爲君之長子之長殤中殤士妾爲君之衆子女子子之長殤中

禮記卷之十一
喪
殯與女君同也。公妾以及士妾爲其子女子子之長殯中。
殯自爲其子得遂也。公之昆弟爲叔父之長殯中。殯當大
功無尊降也。注謂重適之義。雖尊者不降。經不見大夫以
上爲適孫之殯服。意長中殯亦大功與。

大功布衰裳至九月者。鄭氏曰。凡斬齊之喪皆不言受服
者。王侯卿大夫旣虞而受服。士卒哭而受服。月數不同。故
也。此大功衰。正言三月受服者。王侯無大功。專主於大夫
士也。雖有君爲姑姊妹女子子嫁於國君者。非內喪也。賈
氏疏曰。注云天子諸侯無大功喪者。王侯絕旁期。况大功
喪乎。云王於大夫士者。此嫁於國君。雖有大功衰。然彼國

自以五月葬後受服此諸侯爲之自以三月受服同於大夫士也。

又敖氏云君之受服固不俟其卒哭之節適婦雖內喪而其禮則比於命婦但三月而葬故君亦唯三月而受服也大功布衰裳節義疏云按諸侯曾同者謂從父昆弟之子同爲諸侯如魯公伯禽於唐叔若康叔之子之類是也愚按尊同例見下文而於此發之俟再考

傳曰大功布九升節賈氏疏曰此章有降有正有義降則衰七升冠十升正則衰八升冠亦十升義則衰九升冠十一升十升者降小功十一升者正小功傳以受服不言降

大功與正大功直言。張大功之受者。鄭云此受之下。婦受之下。發傳者。明受盡於此。載服大功。以其小功至。葬唯有一。變麻服葛。因故哀無受服之法。故傳據義大功而言之。

姑姊妹女子子適人者。儀疏云。士之姑姊妹。適士或適大夫。其服並同。蓋婦人有出降之法。父族還以出降服之也。適人爲妾者亦同。不以其妾也。而又降之。

姑姊妹女子子適人。傳。李氏如圭曰。雜記伯母叔母。疏衰踊不絕地。姑姊妹大功。踊絕於地。伯叔母義也。姑姊妹骨肉也。姑姊妹雖以出降。其情猶不殺也。

庶孫節。義疏云。按有適子者。無適孫。則適子在者。凡孫皆

庶也義見不杖期章適孫條

適婦傳按小記適婦不爲舅姑後者則姑爲之小功注謂夫有廢疾若他故若死而無子不受重者則服小功庶婦之服也愚按此傳所云正對庶婦小功而言故謂之不降耳

女子子適人爲衆昆弟節義疏云按此與上姑姊妹適人者之服相爲報者也雖爲大夫之妻其衆昆弟姪無異義已見上條若大夫女爲諸侯夫人諸侯女爲天王后則無服

姪丈夫婦人報義疏章首已見爲姑姊妹適人者之服此

於衆昆弟姪似不必言報以姑姪兩出或嫌不服故言報也。姪之適人者不以兩出而兩降也。姊妹亦然。

夫之祖父母世叔父母節義疏云此亦主士之妻言之也。若大夫之妻則夫之世叔父母爲士者當從夫降爲小功而世叔父母還以大功服之。其他親小功者降而總則不服亦如大夫無總服也。夫之祖父母爲正尊雖大夫之妻不降。王后及侯國夫人開創始封者亦同。若繼體而祖父曾爲天子諸侯者夫服三年則從服期。

夫之昆弟何以無服。朱子曰叔嫂無服不是小節目。後來多失之。

大夫爲世父母節。敎氏云：大夫於士爲異爵，故其喪服例降其旁親之爲士者一等。雖世叔父母亦降之，所以見貴賁之意勝也。義疏云：案經不言報，不言唯子不報，則世叔父母昆弟昆弟之子爲士者，服其大夫，皆如其親服而爲之期矣。言爲士則世叔父若昆弟之祖父，或有爲大夫者，已不在也。若爲大夫而在，則亦不降之，以彼爲大夫之子，當以不降相報也。子非旁親亦降之者，適爲本支爲庶，猶之旁親也。昆弟之子若爲其父之適孫者，雖爲士不降之，重適之義於不杖期章。大夫之爲適孫，大夫之子之爲昆弟之子者，推之可見也。不降正尊而降旁親，不降適而降

庶此降例也降例宗法也天子諸侯之或絕之或不絕之也亦然

大夫爲世父母章疏云天子諸侯君也旁親皆其臣也故天子諸侯絕旁親之服大夫士雖同爲臣而服命殊矣故大夫亦降其旁親服當然也

公之庶昆弟節義疏云采大夫之子爲世父母叔父母子昆弟之子爲士者姑姊妹女子子在室者皆降服大功此不言者與不杖期章之不降者互見也大夫之適子爲庶昆弟亦同此注爲母妾言之故不別言適子耳公之昆弟爲世父母叔父母子昆弟之子姑姊妹女子子之等父在

則從乎父而絕之不服尊所厭也。父沒爲爲士者降一等服之爲爲大夫若公子者如其本服餘尊所不厭而公子之尊視大夫也。

先君餘尊之所厭節數氏云厭謂厭其所爲服者也。蓋國君於旁期而下皆以母厭而絕之。此三人者皆君所絕者也。尊者之子必從其父而爲服。故君雖沒矣其死者猶爲餘尊之所厭是以服止於大功也。大夫於所服者或以尊加之而降一等亦謂之厭。此三人者皆大夫之所降者也。其子亦從其父而降之一等爲大功。如大夫沒子乃得伸其服以其無餘尊也。

餘尊之所厭按後魏廣陵侯衍爲徐州刺史生母雷氏卒表請解州詔曰先君餘尊之所厭禮之明文侯既親王之子宜從餘尊之義便可大功

爲母妻昆弟按鄭以前馬融等傳讀昆弟二字加在傳下鄭正其讀昆弟與母妻連文義疏是之

皆爲其從父昆弟之爲大夫者放氏云大夫公之昆弟於此視則尊同也大夫之子於此視則亦父之所不降者也故皆從其親服春秋傳曰公子之重視大夫公之昆弟降其昆弟之爲公子者不降其從父昆弟之爲大夫者則知此先君餘尊之所厭止於上三人耳

皆爲其從父昆弟節義疏云餘尊所屬槩不及其羣從經
特舉從父昆弟以見其餘耳其爲從父昆弟庶孫爲士者
見於小功章爲昆弟之子爲士者當大功爲從祖昆弟從
父昆弟之子及昆弟之孫爲士者皆無服以公子之尊降
之也爲世叔父母如其服以彼亦公子而餘尊不厭之也
餘尊所厭止在公妾與妾所生之子妾子之妻而諸孫羣
從姑姊妹女子子之適人者皆不與焉蓋厭私不厭公厭
內不厭外可以觀聖人制禮之意矣

爲夫之昆弟之婦人子適人者義疏云按世叔母爲夫之
昆弟之子婦亦大功不言者上經爲夫之世父母叔父母

雖不言報以旁親無不報之例已可推見故不另出也
大夫之妾爲君之庶子女子子節馬氏曰其自服其私親
世父母以下則無尊者之厭降一如邦人出適降一等兩
義各異故經兩言爲以明之。

鄭氏注曰如從舊讀爲妾自服其私親當言其以見之其
傳云妾爲君之薰服得與女君同蓋專指大夫之妾爲君
之庶子一條而文偶爛脫在成人而未嫁者之下故舊
讀悞耳疏曰按不杖期章女子子適人者爲其父母昆弟
之爲父後者又公妾以及士妾爲其父母凡自爲其親皆
言其以明之今不言其明非妾爲私親也。

朱子曰傳先解嫁者未嫁而後通以上文君之庶子妾得與文君同釋之乃云下言爲世父母已下而以自服其私親釋之玩此有說正得傳意但於經例不合

王氏志長曰據別解自大夫之妾至未嫁者作一句讀又貫下爲世父母叔父母姑姊妹此言妾自服其私親文義亦無妨案不杖期章公妾以及士妾爲其父母傳曰妾不得體君得爲其父母遂也則妾得爲私親服明矣又記凡妾爲私兄弟如邦人正以此經止及世叔父母姑姊妹厭降其私兄弟故記及之况鄭氏前馬融章先主是說附以備參可也

萬斯大曰此條言大夫之妾當服大功者在君之家有君
之庶子及女子子嫁者未嫁者在私家有其世叔父母姑
姊妹經傳甚明而鄭氏不從其解非經誣傳莫此爲甚
丹陽姜上均曰愚按舊讀兩爲字對看甚明而注乃折大
夫之妾爲君之庶子爲一條女子子嫁者未嫁者合下爲
世叔父母等爲一條又以未嫁者例不得降故又爲逆降
旁親欲其及時而嫁之說以通之其說與經傳殊別竊謂
萬氏發明深切此條合從舊讀卽如鄭義亦可從互文省
文之例以類推其說朱子稱馬讀爲得傳義而於注則有
疑詞有以哉

朱子又曰此段自鄭注時已疑傳文之誤今考女子子適人者爲父母及昆弟之爲父後者已見於不杖期章爲衆兄弟又見於此大功章唯伯叔父母姑姊妹之服無文而獨見於此則當從鄭注之說無疑矣。

大夫之妾傳恩按小功章大夫之妾爲庶子適人者鄭曰君之庶女子子也庶女子子在室大功其嫁於大夫亦大功疏云此適人者謂士也義疏云女子子無分於適庶經言庶子者嫌他妾所生之女子子或異於女君所生者是則明非嫁於大夫故適人爲之小功義以差次而尤明文以互見而相類馬氏所讀益可以証其不謬矣。

大夫大夫之妻大夫之子節賈氏曰大夫妻若為夫之姑姊妹在室及嫁皆小功若不為大夫妻又降在緦麻彼亦為命婦唯小功耳今此謂大夫妻為本親姑姊妹也義疏云降在緦麻者不服之大夫妻無緦服與大夫同也

君為姑姊妹女子子嫁於國君節鄭氏曰天子為之無服嫁於王者之後乃服之

尊同則得服其親服故氏曰尊同謂君於為夫人者大夫公之昆弟於為命婦者也夫人命婦雖非有爵者然此三人以其與己敵者齊體之故亦例以尊同者視之而如其出嫁之服不敢絕之降之也

始封之君不臣諸父昆弟節李氏如圭曰所不臣者注疏謂以其親服服之苟顛以爲大夫猶降其親則諸侯雖所不臣亦絕不服義疏亦云君於其所不臣者無服以諸侯之尊當絕其旁親也彼亦爲諸侯則如其服服之尊同也三世而下無所不臣則爲大夫士者以臣服爲庶人者以庶人服矣

故君之所爲服節義疏云制服以士爲始與旁親爲等其自無所降且員多而所任者輕一人有喪同僚足供其職又士卑則其廟亦卑雖廢祭而禮得其分之宜也愚按此論諸侯有絕大夫有降而士如邦人

大功九月後，喪疏云：按大功降服衰七升，正服衰八升，冠皆十升。義服衰九升，冠十一升。既葬降服，正服受衰皆十升，冠皆十一升。妻服受衰十一升，冠十二升。男子經帶並易葛，婦人不易，要帶猶齊衰也。屆期而除之。又案大功之服，經所未着，可以互推者，爲從父姊妹在室者，女孫在室者，昆弟之女子，子適人者，婦人爲庶孫適婦女子，子適人者，女孫在室者，與夫同爲昆弟之子，婦夫妻同，以其爲已大功，宜報之也。爲人後者，爲其姊妹在室者，其昆弟姊妹在室者，報亦如之。夫爲人後，其妻爲舅姑，大功見於小記，舅姑報如之。報者，於大功中有齊衰焉。大夫大夫之子

公之昆弟經屢迎有之其服有互見者三人爲姑姊妹女
子子在室者庶子昆弟之子爲士者庶孫爲大夫者昆弟
之女子子嫁於大夫同也公之昆弟爲世叔父母不降稱
期大夫之子爲世叔父母爲士者降之則大功大夫之妻
公之昆弟之妻爲卑屬並與夫同唯公之昆弟之妻爲夫
之世叔父母不降亦大功也其爲父族之世叔父母姑昆
弟姊妹姪皆大功則不以其爲大夫爲士嫁於大夫嫁於
士異也公子爲姑姊妹嫁於國君者父之所不降也君夫
人爲女子子嫁於國君者爲父族之姑姊妹嫁於國君者
尊同也康成謂天子爲姑姊妹女子子嫁於二王後亦服

之若然則王子爲姑姊妹王后爲女子子嫁於二王後者亦同矣大夫爲適子廢疾不受重者同之於庶子也大夫之庶子父在爲慈母同之於其母也大夫之適子爲庶昆弟降其庶也尊者不降其適賈氏以爲自大夫命婦而上爲適婦悉與士士妻同也士妾爲君之女子子適人者與女君同公妾以及士妾爲其女子子適人者自爲其子得遂也教氏謂妻於妾之有親者當爲之服則士妻大夫妻爲其妹姪之爲勝妾者亦存焉妹姪同爲妾亦相服愚按大功九月章大夫之妾一條若依鄭氏則妾爲世叔父母姑姊妹七人者服大功蓋從互推之例也若依馬氏

舊讀則女子子爲世叔父母姑姊妹七人不論嫁與未嫁皆服大功者亦從互推之例也二者未知孰是姑並存之總衰衰牡麻經節敖氏云此承大功之下疑其亦用編屨與齊衰三月者同也蓋服至尊之屨或當然也丹陽姜氏云按敖說屨同大功其說是

總衰傳敖氏曰云何以又云小功之總則總之屬綱亦不一矣小功之布有三等此總衰之綱其如小功之上者與諸侯之大夫爲天子賈氏云此經直云大夫大夫中孤卿以其大聘或使孤或使卿小聘使下大夫也

以時接見乎天子賈氏曰聘時士與卿大夫作介雖亦得

禮不得爲檢見。

戴氏德曰總衰七月之服諸侯之大夫始聞天子之喪白布深衣素冠吉屨無紉從諸侯哭於朝發帷爲次於官舍門外別外內食疏食有鹽酪之和凡再不食旣成服服總布衰裳十一升冠纁緣皆十一升帶亦如之經用臬麻首經大四寸百二十五分寸之七十六右本在上七月而葬葬已而除 喪疏云素射慈之說與戴德畧同其異者從諸侯哭於朝射氏云從君哭太廟阼階下服總布衰裳十一升射氏云成服四升半冠纁緣皆十一升射氏云冠八升纁帶中衣側袖緣亦如之則射氏是也一云同姓之國

哭於廟異姓之國哭於朝說亦可存

總衰既葬除之後義疏按小功之總若如其上者則以麻細如十升之者之縷而用其四升半為經以成之縷雖細於大功而疏則猶齊衰也此與總衰錫衰布則不同而意頗相類差等之所竊則變通而為之耳大夫在國不會葬者屆期而餘之

小功布表裳漆麻帶經節小記曰下殯小功帶漆麻不絕本屈而反以報之孔氏類禮曰首經無根要帶猶有根不其重也屈所垂散麻上至於要然後中分麻為兩股合而糾之以垂而下也賈氏曰報合也謂先以一股麻不絕本

者爲一條展之爲繩以一頭屈而反向上合之乃絞垂焉爲其重故也

濼麻帶經。賈氏曰：上重皆帶在經下，今帶在經上者以大功已上經帶有本，小功已下經帶斷本，而此殤小功中有下殤小功帶不絕本，與大功同，故進帶於經上，倒文以見重也。

爲人後者爲其昆弟全節。丹陽姜上均曰：此爲其昆弟之長殤，又從父昆弟，相爲之長殤也。按大功重從父昆弟大功爲人後者爲其昆弟大功，而此則以其殤而皆降在小功也。從父昆弟不承爲人後者，而直續通解圖列爲人後。

者爲其昆弟之長殤於前行而次列從父昆弟之長殤於後行義瞭然矣或誤以爲人後者一直讀下故發之中殤何以不見也節教氏云從父昆弟之殤丈夫與女子子在室者爲之同也然則此傳亦兼婦人之爲其親族之殤者言矣凡不見者以此求之。

大夫公之昆弟節賈氏謂大夫宜無昆弟之殤今有之者按曲禮云四十強而仕五十乃爵命爲大夫今未二十已得爲大夫者五十乃爵命是常法或大夫之子有盛德未必要至五十是以有幼爲大夫者也義疏云疏謂有盛德者固然亦有公族高勳世爲大夫者適子年雖未冠已爲

大夫而姊若庶兄尙在長殤之限者亦其一也

大夫公之昆弟節鄭氏公之昆弟不言庶者此庶服無所見也疏妾子爲母見厭不伸故爲母則言庶今此經不爲母服故不言庶也又鄭氏云言公之昆弟爲庶子之長殤則知公之昆弟猶大夫疏云舊疑大夫與公之昆弟尊卑異今案此經同降則此二人尊卑同也

大夫之子爲其昆弟庶子節大夫之子不言庶者明適子亦服此殤也愚按關之言通然大夫之子爲庶子殤服本自適子始而大夫之庶子亦同之則不言庶者與適子同此殤服可知也

大夫大夫之子爲其昆弟庶子其中殤從上若下殤則不
服之蓋大夫無緦服故也此敖氏之說

大夫之妻爲庶子之長殤敖氏云大功章已有大夫妻爲
君之庶子故此略之爲君之女子子亦然是雖大功之殤
亦中從上蓋女君之爲此子與夫同而妻爲君寡服得與
女君同故皆宜中從上而不可以婦人之從服者例前也
其下殤亦不服之

殤小功五月後義疏云殤小功降服衰冠同十升義服衰
冠同十二升無受終其月數而除之 又案殤小功之服
父爲子之下殤公與大夫爲適子之下殤敖氏以爲文服

是也其餘經未著而可以互推者婦人爲子女子子適孫
之下殯與夫同女子子在室爲叔父始姪姪之下殯與
男子同其適人者爲已上諸親之長殯中殯亦如之爲人
後者爲其姪姪之長殯中殯大夫大夫之子爲叔父之長
殯中殯大夫之妻爲適子之下殯衆子女子子夫之昆弟
之子女子子之長殯公之昆弟爲叔父之下殯其妻爲夫
之叔父之長殯餘與大夫之妾同公妾以及士妻爲君之
長子之下殯爲其女子子子之下殯士妻爲君之衆子女子
子之下殯大夫之妻爲君之女子子子之長殯尊者不降其
適則大夫命婦而上亦服適孫之下殯與

小功布裘裳至五月者。放氏云經不言緇可知也。此變麻
卽葛乃不易裘者爲無受布也。卽葛不云三月者。已於大
功章見之故不言也。又愚按吉屨無絢者。周禮屨人絢者
屨鼻頭有絢爲行戒。吉時有行戒故有絢。喪中無行戒故
無絢也。

小功布裘裳牡麻經節。義疏云。按大功小功期滿則除。九
月七月五月皆無祭。然則除殤服者無祭可知。記所謂祭
不爲除喪者於此可見也。

從祖祖父母。從祖父母。報。愚按爾雅釋親云。父之世父叔
父。爲從祖祖。父之父之世母叔母。爲從祖祖母。父之從父昆

象爲從祖父，又劉熙釋名云：父之世叔，父母曰從祖父母。言從已親祖別而下也。亦言隨從已祖以爲名也。廣成曰：祖父之昆弟之親，則兼二者而言之。爾。

從祖昆弟，節愚按：從祖祖父是曾祖之子，從祖父是曾祖之孫，而從祖昆弟，又卽曾祖之曾孫，故同曾祖者爲之服。此三者爲三小功也。從祖昆弟相爲服，猶之報也。

從父姊妹，孫適人者，義疏云：接從祖昆弟相爲服矣。從父姊妹適人者，常報不言者，可知也。女孫不敢降其祖，已見不杖期章。

爲人後者，爲其姊妹之適人者，馬氏融曰：不言姑者，不降。

始也。鄭氏曰：不言姑者，舉其親者而思輕者降可知也。疏云：按爲後者若係親昆弟之子，則姑猶是姑也。如其服服之如馬氏說矣。若係從父昆弟之子，更遞疏以迄於無服者，則當降之。如注說矣。姑適人，則總不與姊妹同差。以其與世叔父均無大功之降也。經以其不定也，故缺之。義疏又云：經不見本生祖父母，曾祖父母，世叔父母，諸人之服者，亦以所後者之親疏不定也。假令在疏屬五服之外，則於本生祖父母之喪，竟脫然無一日之服也。而可乎？互見記爲人後者於兄弟條。

爲外祖父母傳，按服同母出，則爲繼母之黨。服母死，則爲

其母之黨服爲其母之黨服則不爲繼母之黨服鄭氏曰
雖外親亦無二統喪服小記爲君母後者君母卒則不爲
君母之黨服爲母之君母母卒則不服爲繼母之父母無
服。

從母丈夫婦人報馬氏融曰言丈夫婦人者異姓無出入
降也。

夫之姑姊妹娣姒婦報義疏曰昆弟一爲大夫一爲士則
大夫降其昆弟大功娣姒婦相爲小功雖命婦亦不更降
以其夫之於昆弟妻無服故不隨夫爵而異也。

大夫大夫之子公之昆弟爲從父昆弟節教氏云此姑姊

妹女子子再降故其服在此不言適人而言適士者所以見從父昆弟庶孫亦謂爲士者也經之例多類此義疏云三者之從父昆弟姊妹不敢以小功服而如其大功之本服服之唯大夫之子父沒則不降

大夫之妾爲庶子適人者敖氏云此非已子故其服如此若爲已之女子子在室期適人亦大功經凡言庶子皆主於男子也女子子不必言庶文有脫誤與

庶婦節鄭氏曰夫將不受重者賈疏若小記注世子有廢疾不可立而庶子立其舅姑皆爲其婦小功亦兼此婦也愚按此條內亦有本係適婦而以庶婦服之者若注疏所

月
卷十一
云也。

君母在則不敢不從服節。庾氏爵之曰外氏無二統。適母有三四不可悉服。宜以始生所遇適母之黨若已生恐不及宜服最後者之黨也。

君子子爲庶母慈已傳。敖氏曰。禮爲庶母總謂士及其子也。其慈已者。思宜有加固小功矣。此云君子子者。明雖有貴者其服猶然也。

爲庶母慈已傳。周氏捨曰。賀彥先稱慈母之子。不服慈母之黨。婦又不從夫而服慈姑。小功服無從故也。庾氏爵之云非。徒子不從母而服其黨。孫又不從父而服其慈。由斯而

言慈祖母無服明矣。

傳曰娣如婦者第長也。疏按鄭注本及姜氏內外編竝作第長唯義疏本作娣長也。蓋義疏誤也。

鄭氏注云娣如婦者兄弟之妻相名也。云第長者長婦謂群婦爲娣婦。娣婦謂長婦爲如婦。賈疏云二婦互稱謂年小者爲娣。假令第妻年大稱之曰如。兄妻年小稱之曰娣。左傳聲伯之母不聘穆姜曰吾不以妾爲如。是據二婦年大小爲娣如不以夫年爲小夫也。今按馬氏融曰婦人無所專以夫爲長。幼不自以年齒。妻雖小猶隨夫爲長也。又義疏曰案婦人坐以夫之齒無自以其年爲大小之理。

疏既與傳違亦乖注義注本爾雅然衆之此經及左傳則
適相反豈時俗有不同者與丹陽妻上均亦曰愚按婦奴
自以夫年爲大小疏謂以妻年爲大小非也卽所引聲伯
之母爲宣公第叔盼之妻而不以宣公之嬖妾爲奴則其
於宣公之正妃固以爲奴矣何足以爲不論夫年而論妻
年之証耶

按爾雅釋親云女子同出謂先生爲媯後生爲媯注同出
謂俱嫁事一夫公羊傳曰諸侯娶一國二國往媵之以媯
媯從姪者何兄之子也從媯者何弟也又女子謂兄之妻
爲媯弟之妻爲媯長媯謂媯媯爲媯媯媯謂長媯爲媯

注今相呼先後或云妯娌是也廣雅云娣姒妯娌先後也
又按劉熙釋名曰少婦謂長婦曰姒言其先來已所當
法似也長婦謂少婦曰娣娣弟也以後來也或曰先後以
來先後言之也青徐人謂長婦曰植長禾苗先生者曰植
取名於此也荆豫人謂長婦者曰熟熟視也取始也

愚按娣姒婦者弟長也諸家之解紛如聚訟矣其云長曰
姒釋曰娣者則有儀禮爾雅二經之文及劉熙釋名之義
其論以夫年之大小序娣姒之先後者則有馬融之舊注
義疏之定解及丹陽姜氏之內編而謂以婦年之長幼呼
夫之兄弟之妻爲娣姒而不計夫齒之大小者則有賈公

彥之疏及邢昺之疏爾雅此則因左傳之文而作調停之見以解經詞可融爾雅左氏而不相矛盾者也然按左傳魯穆姜乃宣公之嬖妾聲伯之母乃宣公弟叔旂之妻則二婦之年不可得詳而以宣公兄弟言之則穆姜長而聲伯之母稚也晉叔向之嫂與叔向之妾則嫂長而叔向之妻稚也乃並曰妯者一以稚而呼長者曰妯則穆姜是也一以長而呼稚者曰妯則晉叔向之嫂是也二稱本是不同而王肅謂皆以稚婦爲妯婦邢昺爾雅疏引魯晉事亦謂二者皆呼夫第之妻爲妯此其於左氏之文考之不詳善乎丹陽姜上均之駁賈疏也曰不以嬖妾爲妯則於宣

公之正妃固以爲妣不疑也。綜而論之，則賈遠鄭元及杜預皆云兄弟之妻相謂爲妣，最爲的當而無疑義者。其此解乎？蓋長爲妣，幼爲媵者，從夫之齒而分。此其一定者也。若其稱之也，稚謂長爲妣，長謂稚亦爲妣，以是爲過稱而一其例也。所以爲謙而不亢者然也。又媵事一夫者，以已生先後爲媵，妣禮有明文，則其宜矣。且無所事乎謙詞而相呼爲妣矣。

愚又按邢昺引儀禮傳云：媵，妣也。以弟長解媵，如言媵是弟，妣是長也。此解鑿然不疑。今義疏於傳文弟長也之第作媵字，據此爾雅疏文，則作弟長爲是，而叔氏

之解曰姊長也者釋姊婦之爲長婦也又曰先姊後妯則姊長如稚明矣其與所推戾者則亦惑於左氏之文叔向一條也差之毫釐失之千里得無類是歟

小功五月後襲疏云案小功降服衰冠同十升正服衰冠同十一升義服衰冠同十二升喪服之升數盡於此無以受之故葬後不易衰冠但變麻卽葛以終其月也卽葛亦謂男娶婦人首也 又案小功之服經所未著可以互推者爲適孫婦爲從祖姊妹在室者爲適婦不爲舅後者見於小記爲從父昆弟之子女女子在室者昆弟之孫女孫在室者則於從祖祖父母從祖父母之親見之女子子在

室爲從祖祖父母。從祖父母。從祖昆弟。從父昆弟之子女。子子在室者。與男子同。適人者。則爲其從父昆弟姊妹。爲其昆弟之爲人後者。皆報服也。報其昆弟之妻。昆弟之子。婦則在室。適人同也。婦人爲庶孫。適孫婦。夫之從父昆弟之子女。子子在室者。夫之昆弟之孫。女孫在室者。與夫同。爲人後者。爲所後者之妻之父母。見於斬衰章傳。爲其姊妹亦同。大夫大夫之子。公之昆弟。爲女孫。嫁於大夫者。爲從祖祖父母。從祖父母。從父昆弟。從父昆弟之子。昆弟之孫。爲大夫者。爲昆弟之子。婦。其夫爲士者。降一等報之。大夫之妻。公之昆弟之妻。爲夫之從父昆弟之子。昆弟之孫。

爲大夫者爲夫之昆弟之子婦其夫爲士者稱之夫也婦
人爲姊妹之子男女同則從母之報服也魯氏謂妻亦服
妾則士妻大夫之妻爲從父姊妹若姊妹之女子子子之爲
賤妾者猶親服也妾中有相報者亦以其倫尊者不降其
遭則賢氏以爲自大夫命婦而上爲遭孤婦與士之妻同
也據爲人後者爲其昆弟大功則爲昆弟之子女子子在
室者當小功若所後者非同祖之世叔父則爲其祖父母
世叔父母從父昆弟皆小功與若然則其相報者亦同也
總麻三月者鄭云總麻總布衰裳而麻經帶也不言衰經
略輕服省文故云以麻爲經帶者蓋經傳單言麻者多以

經帶言也。輕服既葬卽除之。故但三月也。不別言功服者。以其服與成人無異也。義疏云。輕服以葬期爲節。若不及期而葬者。如其期服之。

傳曰。總者十五升。節。賈氏曰。八十縷爲升。十五升千二百縷。抽其半六百縷。縷粗細如朝服。數則半之。丹陽姜上均曰。按十五升抽其半者。謂十四升有半。而縷計一千一百有六十也。考斬衰三升。齊衰則殺而爲四升。五升。六升。大功則又殺而爲七升。八升。九升。小功則更殺而爲十升。十一升。十二升。若以例降殺。則總麻。國。庶。殺而爲十三升。十四升。十五升之差矣。今十五升又爲朝服之制。不可用。故

去其半升而用之。總麻服之至輕，故無三等之差，而義從其輕，則抽其半而爲一千一百有六十縷者，卽爲十五升之制也。或以總衰之制，亦是三月，而其升數則四升有半，是不知五服縷質之粗細，其與升數之多寡本相權。總麻五服之正，總衰乃五服以外之權制，固不可比而同之也。愚按姜氏此論，破千古之疑，足爲禮家功臣，必當從之。族曾祖父母，節賈氏疏云：族曾祖父母者，曾祖之親兄弟也。族祖父母者，祖父之從昆弟也。族父母者，父之再從昆弟也。族昆弟者，已之三從兄弟也。此四總麻與已同出高祖上至高祖爲四世，旁亦四世，旁四世既有服，則於高祖

有服明矣。且齊表三月章，直見曾祖父母，而不言高祖。今以此條從下向上推之，則鄭云高祖有服可知矣。

庶孫之婦，教氏云遺孫之婦小功。小功章當見之，而不見者，支脫也。

從祖父從祖昆弟之長殤，節鄭云不見中殤，中從下也。疏云小功之殤，中從下是也。

外孫，教氏云此服亦男女同。

從父昆弟，姪之下殤，賈氏曰從父昆弟成人大功，長中殤小功。故下殤在此，教氏又曰以前章例之，則為人後者爲其昆弟之下殤，亦當在此。經文缺也。

夫之叔父之中殤下殤節。鄭云見中殤者中從下。賈疏下傳言婦人爲夫之族類。大功之殤中從下。

從母之長殤報疏云小功章已見從母報服。此又云報者前章兩俱成人。以小功相報。此章兩俱殤。以總相報也。

傳曰與尊者爲一體節。賈氏曰云私親者。妾母不得體君不爲正親也。有死於官中者。縱是臣僕亦三月不舉祭。故此庶子因是爲母服總也。敖云何以不齊衰三月尊者之服不敢用於妾母。

鄭氏曰君卒庶子爲母大功。大夫卒庶子爲母三年。士葬在庶子爲母皆如衆人。疏云此見不承後者如此服若承

後則不然也。

義疏云大夫以上無緦服則不服雖記同宮雖臣妾葬而後祭胡線群之祭也服緦則啓一時之祭可知 又云士之庶子爲父後則緦大夫之庶子爲父後若爲大夫則無服以大夫無緦故也諸侯以上更不待言

以其貴也節義疏云按士昏士冠皆有室考諸士昏則腰有婦冠固禮曰士不名家相長妾士之職位未宜有所降生不名者死則以緦服之宜也又小記士妾有子而爲之緦士爲妾服兼此二者貴則不必有子有子則不必其貴也

又餘論引敖氏曰此服似夫妾同之妻爲此妾報則非有私親者也其有親者宜以其服服之

乳母敖氏曰此亦蒙士爲之文也士之妻自養其子若有故或使賤者代食之故謂之乳母其妾子亦然義疏云士爲庶母貴臣貴妾乳母經本連交傳注家離之耳愚按此說不易而他注或云大夫爲貴臣貴妾大夫之子爲乳母恐未安也

從祖昆弟之子孔氏穎達曰同堂兄弟之孫理自緦麻曾祖爲曾孫三月兄弟之曾孫無等降之亦三月

曾孫敖氏曰以本服之差言之爲之期爲孫大功則爲曾

孫宜小功。乃在此者。以曾孫爲已齊衰三月。故已爲之總麻三月。蓋不可以過於其爲已之月數也。不分適庶者。以其卑遠畧之。且不可使其庶者無服也。

從母昆弟。敖云從母姊妹亦存焉。外親之婦人在室適人同。

妻之父母。傳曰何以總從服也。義疏妻爲其祖父母。期夫不從服。母爲其祖父母。期子亦不從服。但從其母妻之所自生者。祖則違矣。且以其期本加服。又出適而不降也。

舅傳曰何以總云云。敖氏從於母之大功而總也。母於昆弟之爲父後者。期子乃不從之而服小功。亦可以見從服

自前書言
一定之制矣。

夫之諸祖父母，報後此條，鄭云：諸祖父母者，夫之所為小功，從祖祖父母外祖父母也。敖云：此經所衍者，其夫之從祖祖父母及從祖父母與，但言諸者，疑文誤且脫也。愚無以辨，何說為長。至文有缺誤，則無可考證，令人疑。

從父昆弟之子之長，殤節。敖云：此從祖父從祖祖父母為之服也。然則從祖母從祖祖母亦當服之矣。

為夫之從父昆弟之妻，敖云：小功章云：夫之姑姊妹，婦報。是章唯見此服不及夫之從父姊妹者，文不具耳。愚按：下傳云：以為相與同室，則主總之親焉。据此釋，則姑姊

妹自應不及非文之脫悞可知。

長殤中殤降一等。下殤降二等。敖云此主言丈夫爲大功以上之殤。婦人爲夫族齊衰之殤也。若婦人爲本族之殤。服其降之等。與丈夫同。

齊衰之殤中從上大功之殤中從下。鄭云此主謂妻爲夫之親服也。又云凡不見者以此求之。

按敖氏於此二條疑有脫文。又云當在殤小功章者似未盡然也。

總麻三月後。喪疏總麻之服。主於士與士之妻。士之子而言。大夫大夫之妻。自旁期以下。例降一等。則無總麻自小

功降而總者亦不服也。愚按經所不見，可得互推。貴方
功小，功俱依義疏本錄出。但今代服制與古不同，總麻本
係輕服，非功七條，成人二十一條而外，轉推而轉輕，則降
則彌畧。文繁故不錄出云。

記公子爲其母師，義疏齊衰衰正服也。練冠麻衣，御練餘
服也。公子之母，爲公所厭，尊其正，不奪其餘，而卽以其
餘服爲之。正服，並人之權衡於此者精矣。敖云：練冠之
纁，亦當作練。愚按：纁，淺絳也。且纁，練者，三年練之受飾，纁
冠又降於練冠，未必爲字之誤也。

傳曰：何以不在五服之中也？節。卽氏寶曰：子爲母服，禮也。

夫爲妻服亦禮也。謂五服外何居庶母於君爲妾庶子之妻於君爲庶婦。君服妻不服妾。服冢婦不服庶婦。君之所不服而制此服焉。權也。故曰五服之外。

大夫公之昆弟節買云。此三人所以降者。大夫以尊昆弟以旁尊降。大夫之子以厭降。是以總云降一等。愚按上三等。人遇已兄弟之喪降一等也。義疏此兄弟自親昆弟而凡有服者皆在焉。不專指小功以下。故注云猶族親也。爲人後者節買云。謂支子爲大宗子後。反來爲族親兄弟之類。降一等云。於所爲後之兄弟之子若子者。此等之服其義已見於斯章。古報是兩相爲服者也。

兄弟皆在他邦節買云二人共在他國一死一不死相愍
不得辭於親然故加一等或父母有早卒者與兄弟共居
而死愍其孤幼相育特加一等

朋友皆在他邦袒免鄭云謂服無親者當爲之主每至袒
時則袒袒則去冠代之以免舊說云以爲免象冠廣一寸
已猶止也歸有上則止主若幼少則未止賈云每至袒時
則袒者凡喪小殮訖將括髮先祖當括髮據正主人齊衰
已下皆以免代冠喪服小記云齊衰括髮以麻免而以布
此用麻布爲之狀如今之慘頭矣自頂中而前反於項上
卻繞紮也是著免之義也又袒免之服施於宗族五世之

親正同此禮。

朋友麻。朱子曰五服皆用麻。朋友麻是加麻於吊服之上。麻謂經也。敖氏是記蓋主爲大夫以下言之。服間謂大夫相爲錫衰以居。當事則弁經。此大夫於朋友之爲大夫者服也。以是推之。士庶人相爲亦然。其服皆加麻。既葬乃已。

君之所爲兄弟服飾。鄭云公士大夫之君。賈云天子諸侯絕期。今言爲兄弟服。明是公士大夫之君。於旁親降一等者。室老家相降一等。不言士。士邑宰。遠臣不從服。若然。室老似止君近臣。故從君所服也。

教氏曰君者謂凡有家臣者皆是也與室老對言故曰君
愚按教氏所云推廣言之愈繁會讀而不可爲矣從鄭賈
之說可也

夫之所爲兄弟服節賈云妻從夫服其族親夫之諸祖父
母見於總麻章夫之世叔父母見於大功章此記其不見
者 義疏云此服大經已見經惟總麻章未明言夫之從
祖祖父母及夫之從父姊妹記或爲此而發與

庶子爲後者節故云庶子爲父後者爲其母總則於母黨
宜無服也不爲後如邦人是君母與已母之黨或兼服之
賢云庶子爲後以其與尊者爲一體既不得服所出母

是以母黨皆不服。

宗子孤爲殤節。鄭云孤爲殤長殤中殤大功喪下殤小功
喪皆如殤服而三月謂與宗子絕屬者也。親謂在五屬之
內算數也。賈云宗子謂繼別爲大宗百世不遷者也。孤
爲殤謂無父未冠而死者也。

義疏云宗子雖下殤不以緦麻服之重宗子也宗子不孤
則其父雖不主宗事而族人猶以宗子之服服其父服其
父則不服其子矣注謂有大功之親者成人服之齊衰三
月卒哭受以大功衰九月謂以大功衰終九月之數是連
齊衰計之者也。

改葬總柩云改葬者明棺物毀敗改設之如葬時也其具如大斂從廟之廟從墓之墓禮宜同也賈云衆既夕祀朝廟至廟中更設還祖奠云如大斂奠卽此移柩向新葬之處所設之奠亦如大斂之奠鄭又云服總者臣爲君也子爲父也妻爲夫也必服總者親見尸柩不可以無服按穀梁傳曰改葬之禮總舉下緇也緇猶遠也下服之最輕者也義疏云旣改殯見尸柩必有奠以爲脚之所依如未能遠葬則朝夕猶當設常奠如在殯時屆葬乃設葬奠也葬畢而返亦當有祭如虞祭其釋服而後祭與傳曰不當室節義疏按戴氏德請童子當室十五至十九

蓋以不及十五則未能入室也童子無總服則自小功以上皆有之矣不總者以其未成人故優文。

傳曰鋤者何也節賈謂事猶治也錫猶滑易也。敖云以天子帛服差之錫重於總故總治縷而錫則否蓋凡服以粗細爲先後錫不治縷則其縷不如總之細所以差重也既不治縷則當治布治其布則滑易矣所以謂之錫

又曰有錫疑滑易二字之誤引司服職注先鄭云錫麻之滑易者也其據此記未悞之文與愚謂此說未然不足依據。

女子子適人者節賈云舊有人解小記男子子免而婦人壘

免無笄則髮亦無笄故鄭以此記髮笄連言明之。 教云
言笄有首而復云以髮見成服以後猶髮且明齊衰而髮
者之止於是也卒哭子折笄首以笄則不復髮婦則惡笄
以髮自若也義疏小歛後未成服之前婦人將斬衰者去
纒而麻髮將齊衰者去纒而布髮此不著笄者也成服著
布總則斬衰者箭笄齊衰者榛笄而髮如故以其去纒而
露新自若也注言髮有著笄者此也

傳曰笄有首者節教云終終喪也言婦惡笄以終喪無折
笄首之事故不言婦也

妾爲女君節賈云妾爲女君之服得與女君同爲長子亦

三年但爲情輕故與上文婦事舅姑齊衰同惡并有首布總也教云妾爲女君不杖期爲君之長子三年

凡衰外削幅節賈云徇者屈中之稱一幅凡三處屈之辟兩邊相著自然中央空矣幅別皆然也賈又云外削幅者謂縫之邊幅鄉外內削幅者謂縫之邊幅鄉內幅三徇者據裳而言謂辟積其要中若不辟積其要中則束身不得就故也邱氏濬曰裳長短隨人身前縫三幅作一聯後縫四幅作一聯前後不相聯每幅作三箇幅子如今人帶幘相似但帶幘鄉一邊順去此則兩邊相鄉爾前三後四各作一要要兩頭各有繫

負廣出於適寸。賈疏山辟領旁一寸。總尺八寸。以一方布置於背上。上畔縫著領。下畔垂放之。以在背上。故得負名。適博四寸。出於袷。賈云。辟領廣四寸。據兩相而言。項之兩相。鄉外各廣四寸。洞中謂當縫中央。總洞八寸。一邊有四寸。并辟領為八寸。兩之總一尺六寸。

袷長六寸。博四寸。

長直亮反

賈云。袷綴於外衿之上。廣長當心。

義疏云。疏所云外衿。其卽左衿掩右之二寸者。與袷綴於其中。掩二寸之處。則亦不患其不當心矣。邱氏澐有云。擬作一外衿。掩於內衿之上。服之則袷正當心。此說恐未合

耳。

衣帶下尺。賈云：謂衣要也。衣卽表也。據上下濶一尺。敖云：帶謂要經也。絞帶布帶亦存焉。義疏云：疏謂衣要對裳要而言也。裳必有要，乃相屬而可束。記不言者可知也。裳要在裳上，衣要在衣下，掩之則裳要露矣。

衽二尺有五寸。賈云：此掩裳兩相下際，不合處用布三尺五寸，得兩條衽，衽各二尺五寸，然後兩旁皆綴於衣，垂之，鄉下掩裳際。又云：此謂男子之服。婦人則無，以其婦人之服連衣裳。上新章注云：婦人之服如深衣，則袷無帶，下又無衽是也。義疏按左傳魯昭公居喪，比葬三易袷，袷衽如故。袷，其謂此與。以布粗疏，此衽又斜裁之而不緝，尤易敝。

也

袂屬幅故云袂屬幅而不制是縫合之也此袂之長短蓋如深衣之袂亦反肩之及肘

衣二尺有二寸楊氏復曰俾領四寸反摺向外加兩肩上以爲左右適故復之左右各有四寸虛處當脊而相並謂之淵中前之左右各有四寸虛處當頸而相對亦謂之淵中注所謂淵中八寸是也賈云加淵中八寸者淵中謂淵去中央安項處當縫兩相總淵去八寸若去一相正去四寸若前後裱長而言則一相各長八寸通前兩身四尺四寸總五尺二寸也云而又倍之者更以一相五尺二寸

并計之故云又倍之云凡衣用布一丈四寸者此唯計身不計袂與袷及負衽之等也。

衰三升三升有半節買云自此至篇末皆謂衰冠升數多少也以其正經言斬與齊衰及大功小功緇麻之等並不言布之升數多少故記之也云衰三升三升有半其冠六升者衰與冠同者以其三升半謂緇如三升半成布還三升故其冠同六升也云以其冠爲受受冠七升者猶至虞變麻服葛時更以初死之冠六升布爲衰更以七升布爲冠以其葬後衰殺衰冠亦隨而變輕故也。

齊衰四升節敷云此齊衰四升其於三年者爲正服於期

者爲降服也。齊衰三年有正有義。義服五升冠八升。齊衰
期有降有正有義。正服五升冠八升。義服六升冠九升。亦
皆以其冠爲受。其受冠之升數亦多於受服一級。記不著
之者。蓋特舉重者以見其餘也。

大功八升節。鄭云言服降而在大功者。衰七升。正服衰八
升。其冠皆十升。義服九升。其冠十一升。亦皆以其冠爲受
也。其降而在小功者。衰十升。正服衰十一升。義服衰十二
升。皆以卽葛無受也。此大功不言受者。其事旣著志。

義疏云。喪服之布。至十二升而止。以十五升則爲朝服之
吉布。若十三升十四升。則吉凶之間。疑似難分。故不用也。

若大功之下受以小功之下則受冠當十三升以不可入於十三升故取大功之上與中併爲一受乃得使大功之下受冠適得十二升而止也

儀禮集說卷十一終